


DE VOCE
HOMOUSION
DISSERTATIO

IN QUA OSTENDITUR
VOCEM ILLAM
AB ANTIOCHENIS PATRIBUS
PROSCRIPTAM VEL REPUDIATAM
NON ESSE

AUCTORE
LIBERATO FASSONIO

DE CC. RR. SCHOLARUM PIARUM
IN NOVO COLLEGIO
PUBLICO SACRÆ THEOLOGIÆ PROFESSORE.



ROMÆ MDCCLV.
EXCUDEBAT JOANNES ZEMPEL PROPE MONTEM JORDANUM.

SUPERIORUM PERMISSU.

THE UNIVERSITY OF CHICAGO

LIBRARY



1911

PAULO MARIAE PACIAUDIO

CLERICO REGULARI

GENERALI SODALITATIS SUÆ PROCURATORI

ORDINIS HIEROSOLYMITANI HISTORICO

VIRO AMPLISSIMO ATQVE DOCTISSIMO

LIBERATUS FASSONIUS DE CC. RR. SCHOLARUM PIARUM

S. P. D.



*Agnum opus omnino, & arduum conor,
PACIAUDI ORNATISSIME, dum in hac lu-
cubratione contra perveterem, eandemque
multo pervagatissimam de sacra voce Homoufion opinionem
scribere instituo, ego in primis, qui sicut auctoritate nihil,
ita nec usu, & doctrina satis, & ingenio parum possum.
Etsi enim plurimum eo studii, diligentiaque contulerim, ut
qualiscumque isthæc exercitatio mea optimis & stabilita ef-
set præsidii, & rationum momentis ad arcendam vim con-
firmata, quo minus publicam lucem tenuitatis suæ conscia,
vereretur; video tamen, & perdifficile esse veteres opinio-
nes, quæ altiores præsertim radices egerint, ex hominum*

mentibus evellere, Et qui novas proponant, ac nitantur inducere, hos persepe in graves, Et varias tum aliorum, tum imperiti precipue vulgi reprehensiones incurrere. Equidem solet rei novitas doctorum hominum studia plerumque excitare, Et incredibilem eisdem lectionis cupiditatem injicere; vix tamen oculi a lectione fessi conquiescunt, se seque recolligunt, cum statim relanguescimus, vel animum potius in veteri, quam adamare consuevimus, sententia obfirmamus, aspernamurque cum vituperatione contrarias. In hoc enim rerum genere, ut scite a Cicerone dictum accepimus, nescio quo pacto magis, quam in aliis, suum cuique pulchrum est, paucosque fortasse in tanta studiosorum hominum multitudine reperiemus, qui sibi non optimi, non acutissimi videantur. Sic enim se res habet. Te tua, me delectant mea. Itaque ne multis incommodis debilitata veritas aliquid exinde pretii, ac splendoris amitteret, ego vero dignitatem ut meam commodius, atque honorificentius retinerem hoc, quidquid est, opusculi docto in primis, spectataque virtutis Viro offerre statui, ac dedicare. Animo autem, cogitationeque versanti, ecquem potissimum laborum meorum quasi auspicem, Et propugnatorem deligerem, vix mihi, PAULE AMPLISSIME, oblatus es, cum ecce in tuis oculis, in tuo ore, sapientiaque libentissime acquievi. Is enim in Te mihi oblatus est Vir, qui propter beatam quandam in omni litterarum genere eruditionis, doctrinaeque abundantiam, eximiam sibi nominis celebritatem pepererit Genuæ, Venetiis, Neapoli, Melita, Romæ, ceterisque in nobilissimis Urbibus, ubi vel summo loco natos Adolescentes ad melioris Philosophiæ studia perutiliter informavit, vel sacri Oratoris personam singulari cum laude, ac Religionis dignitate sustinuit, vel præclara juxta, ac multitudine plurima ingenii sui monumenta constituit. Nam ut hic aureolos de Christianorum Balneis, ac
de

3

de Umbelle Gestatione Commentarios, aliaque minorum quasi
 gentium opuscula litteratis alioquin hominibus probatissima, ta-
 citus pratermittam, quis mihi satis volumen commendave-
 rit inscriptum, Antiquitates Christianæ De Cultu S. Joan-
 nis Baptistæ, quod superioribus diebus in lucem a clarissimo,
 doctissimoque PACIAUDIO emissum est? Quanta enim, Deus
 bone! inibi elucet penitioris Theologiæ, interdum etiam Phi-
 losophiæ, ubique autem Criticæ artis scientia? Quanta Chri-
 stianæ antiquæ rei, Pontificiæ historiæ, sanctissimarum reli-
 gionum, caeremoniarumque cognitio? Quanta in interpretan-
 dis nonnullis veterum monumentis, quæ Delio propemodum
 natatore indigebant, felicitas? Accedit eodem singulare quod-
 dam totius lumen orationis, quæ & scriptis dignitatem, ac
 decus conciliat, & legentium animis jucunditatis solet offer-
 re plurimum. Etenim res obscuras, ac perdifficiles tam la-
 tine, ornatè, copiose tractat, ut quæ duo in optimo quoque
 Scriptore sapientissimus Poeta Horatius requirebat, argumen-
 ti utilitatem, atque præstantiam cum nescio qua eorum, qui
 legerent, voluptate conjunctam, duo hæc noster ille & per-
 petuo præ oculis habuisse, & merito magno, immortalique
 suo consecutus esse videatur. Commune hoc est, ut audio, eru-
 ditorum, qui suum rebus statuere pretium norunt, de PACIAUDII
 Opere, mentisque perspicacitate judicium. An de Persona,
 totiusque vitæ ratione secus? Immo fortasse amplius. Nam
 spectatissimos ad dignitatem honores, quos vel Emmanuel
 Pintius summus Militiæ Melitenfis Magister, vel sacer Te-
 atinorum Ordo in eximium Virum communibus Equitum, Alu-
 mnorumque suffragiis benevole contulit, non belle, non cum
 magna judicii, ac prudentiæ laude non collocatos existimant.
 Quin etiam quod lectissimorum ex omnibus Ordinibus homi-
 num vel gratiam, vel familiaritatem tum alibi semper, tum
 Romæ in primis inierit, clarissimorum porro Antistitem, qui

⁴
ejus consuetudine impense delectantur, Cardinalium amplissimorum, ad quos, utcumque tempus, aut locus postulet, faciles habet aditus, Pontificis denique Maximi, qui hominem peramanter, perbenigneque complectitur, hæc PACIAUDIO boni omnes, & qui incorrupte judicant, verbis singularibus gratulantur. Neque id vero sine causa & gravissima, & maxima. Nam si de virtutibus his lenioribus sermo sit, quæ in quadam morum elegantia, & suavitate posita sunt, nemo eas in humanissimo Viro non laudare poterit, colere, admirari; si ornamenta animi spectem, in quibus id situm est, quidquid magistri vitæ Philosophi honestum, quidquid decorum nuncupant, eorum in illo non effigies, neque imago, sed ipsa res suis omnibus expleta numeris, ac partibus cernitur, infimis, mediocribus, summis perjucunda. Videlicet tantus est splendor in laude vera, fulgidissimi ut instar sideris omnium ad se oculos, animosque convertat. De Te hæcenus, PACIAUDI AMPLISSIME, sed ad Te nihil, ne scilicet modestiæ tuæ importunus, vel parum gratus, dum gratissimus esse cupio, obstreperem. Novi enim, planeque teneo, duplicem esse hominum, & omnino disparem rationem. Sunt quippe, monente etiam M. Tullio, qui virtute ipsa non tam multi præditi esse, quam videri volunt. Sunt quos vera species virtutis delectat, quique ad illam studiose se totos conformant. Illi laudem, & gloriam avidissime ubique quærunt, illi, fictus ad ipsorum voluptatem sermo cum adhibetur, orationem hanc vanam testimonium esse laudum suarum amplissimum arbitrantur. Hi vero, etsi fortasse a laudis studio non abhorreant, coram tamen laudari se renuunt, recteque facta magis, unde solida, unde vera dimanat laus, quam laudem ipsam, cupide consecuntur. In quorum ego numero nisi Te colloceam, impudens plane, ac vecors sim. Ea autem me causa permovit, ac impulit, ut ne

verbum quidem de privata Bibliotheca tua facerem, quam
Tu non exiguis impensis, laboribusque plurimis eo librorum
delectu, & copia exornavisti, quæ, Religiosi si hominis
ratio babeatur, est sane magna, alienæ si opulentiae, non est
inelegans, quippe cum & summæ opes nonnihil fortasse in-
venire in illa possint, quod desiderent, nihil offendere,
quod contemnunt. Interim hoc me non mediocriter recreat,
quod quidquid a me erat optandum maxime, & quod ad exi-
stimationem nominis mei, atque ad declinandam, vel sedandam
invidiam pertinere plurimum videbatur, in Te mihi felici-
ter & oblatum, & datum est. Nam ejusmodi ista nominis
inscriptio tui dubitare plane nec possum, nec debeo, quin
meis afferat his litterulis, ac. scriptionibus dignitatem. Quas
vero voluntatis, amorisque erga me tui, cum vix Tibi de
facie notus essem, perillustres significationes dedisti, non solum
illa magno me animo esse jubent, sed certam etiam inficiunt
spem, a Te hoc genus, quod Tibi offero, observantiae facile
in bonam partem acceptum iri. Quod si aliqui futuri sint
qui alte de Te, ut par est, sentientes perexiguum impro-
bent hoc pignus meum, spectent illi pervelim, qua Te ani-
mo conveniam, non quid Tibi muneri dandum esse statue-
rim. Vetus enim sapientum in primis hominum scitum est,
animum esse, unde rebus accedit pretium, unde leviora etiam,
atque ipsa per se non magni alioquin facienda munuscula il-
lustrantur.



APPROBATIO.

Dissertationem de Voce HOMOUSION, in qua offenditur, vocem illam ab Antiochenis Patribus proscriptam, vel repudiatam non esse, authore R. A. P. Liberato Fassonio de CC. RR. Scholarum Piarum in Novo Collegio publico Sac. Theologiæ Professore concinnatam, Sacri Apostolici Palatii Rñõ P. Magistro jubente, perlegi; & quidem volupe mihi fuit, Scriptoris prudentiam cum castitate sermonis sociatam in eo maxime fulgere, novisse, quod & Ecclesiæ inconcussum dogma, & veterum Patrum auctoritatem ita tuetur, ut omnem ab eis amoliat invidiam, & eam merito in heterodoxos regerat Arianos, a quibus de more vel depravata, vel conficta jactabantur acta, nuper ab Arminianis Curcellæo, ac Clerico infelicitè propugnata. Cum vero nihil in hac tractatione aut S. Fidei dogmatibus, aut sanis moribus incongruum in ea repperim, prælo dignam esse censui.

In Collegio nostro S. Mariæ de Victoria ad Thermas Diocletianeas ipsis Idibus Juliis MDCCLV.

F. Eduardus à S. Xav. C. E. olim S. Theologiæ prælector, nunc Supremæ Univers. Inquis. Qualific.

IMPRIMATUR,

Si videbitur Reverendissimo Patri Magistro Sacri Palatii Apostolici.

F. M. de Rubeis Patriar. Constantinop. Viceger.

IMPRIMATUR.

Fr. Vincentius Elena Mag. Socius Reverendissimi Patris Magistri Sacri Palatii Apostolici Ord. Prædicatorum.

MEN-


MENDORUM CORRECTIO.

| | |
|--|---------------------|
| Pag. 16. lin. 24. <i>Alexadrina</i> | <i>Alexandrina</i> |
| 25. lin. 5. <i>de Homousii</i> | <i>de Homœusii</i> |
| 30. lin. 25. in aliquibus exemplaribus <i>διακριτάδα</i> | <i>διακριτάδα</i> |
| 31. lin. 34. <i>homœusii</i> | <i>homœusii</i> |
| Ibid. lin. 35. <i>homœusio</i> | <i>homœusio</i> |
| 38. lin. 16. omnem | totum |
| 40. lin. 11. in aliquibus exemplar. Cum Dalmatio, porro, | Cum Dalmatio porro; |

Leviora errata facile Lector benevolus emendabit.

..... Σώφρονος δ' ἀπιστίας
Οὐκ ἐστὶν ἔδεν χρησιμώτερον Βρωτοῖς.

Eurip. in Helen.



DE VOCE HOMOUSION DISSERTATIO.



UM Nicæni conventus Antistites, re diu, multumque perpensa, probe tandem intellexissent, ad Arianam comprimendam perfidiam nihil fore accommodatius, quam celebre τὸ ὁμολογεῖν, vel, ut latine dicam, *consubstantialis* vocabulum, quo uno Filii divinitas, naturæque cum Patre æqualitas luculentissime explicatur, omnisque impiis tergiversandi locus eripitur, communibus illud, concordibusque suffragiis consecrandum putarunt, compositæque abs se doctrinæ formulæ magna cum laude, & commendatione prudentiæ addiderunt. Nec certe sapientissimorum virorum expectationem, ac spem fefellit exitus. Nam tametsi Arianæ doctrinæ amatores, teste in primis gravissimo Athanasio, *omnia possint pro libidine, sophisimatibus eludere, ac detorquere, nihilominus hanc solam vocem, utpote quæ suam hæresim confutet, reformidant: quam Patres quasi propugnaculum adversus impiam omnem eorum cogitationem conscripsere* (a). Itaque cum e nostrorum manibus, præclusis undequaque itineribus, versipelles illi aliter elabi non possent, omnem in id operam, atque industriam contulerunt, ut homousion sæmpiterna oblivione obscu-

(a) Lib. de Syn. num. 45. edit. PP. Maurin.

obscurarent, ex hominumque, si fieri posset, memoria delendum ostenderent. Quo autem facilius voti compotes fierent, brevi annorum undeviginti intervallo undecim, si Athanasio credimus, vel tresdecim, ut arbitratur Petavius (a), disciplinæ composuerunt formulas, posteriores prioribus sæpe contrarias, in quibus consubstantialis nomen reticentes, vel tanquam fatalem scopulum evitantes illam, cum Patre divini Filii cognationem, ac $\chi\iota\sigma\mu$ in Nicænis Comitibus optime constitutam varia ratione, & via explicarunt, seu verius impudentissime labefactarunt. Cum hoc hominum genere in idem facinus conspiravit olim Semiarianorum Familia, conspirant autem etiam nunc recentiores illi omnes, Stephanus præsertim Curcellæus (b), & Clericus (c), quibus Nicæna fidei nostræ formula non probatur. Eo vero inter cætera argumento ducuntur, quod confessa, & manifesta res sit, dictionem homousion in altero Antiocheno Concilio adversus Paulum Samosatenum habito proscriptam, ac repudiatam fuisse; nefas autem putari debeat damnatum, improbatumque vocabulum adhibere, multoque magis Christianæ doctrinæ formulæ adscribere.

II. Quod autem homousion Antiocheni cœtus Proceres eliminaverint, Pontificii Scriptores, Theologique non ambigunt. Immo sententia isthæc est ab antiquissimis in posteros propagata temporibus, quæ ita inveteravit, plurimorumque tanquam in venis, & medullis insedit, ut imprudentiæ notam vix, ac ne vix quidem declinaturus videri fortasse possit, si quis a recepta illa sententia, ac persuasione discederet. Nostri igitur de repudiata ab Antiochenis Patribus dictione homousion litem adversariis non intendunt; tantum rationes, causasque facti subtiliter confectantur, quo deinde Nicænos Antistites ab omni invidia liberent, ostendantque eosdem recte, fructuose, prudenter vocem hanc suæ formulæ addidisse. Quæ nec ipsi in Theologia Tirones ignorant. Ego tamen de verbo homousion, pace sapientissimorum hominum dixerim, aliter statuendum existimo, & quam-

(a) Lib. 1. de Trinit. cap. 9.

(b) Quatern. Dissert. 1. pag. 132.

(c) Biblioth. Tom. 10. pag. 408.

quamvis antea communis mihi arrideret sententia, gravissimis tamen rationum momentis nunc moveor, cur a clarissimorum virorum opinione dissentiam. Rationes illas in hac lucubratiuncula breviter, ac perspicue exponam, neque id sane aut novitatis, aut inanis gloriolæ studio, a quo semper abhorruī, sed veri reperiendi gratia, quod bono cuique Theologo in omni vita propositum esse debet.

III. *Ac ne forte roges, quo me duce, quo lare tutor (a),* qui vetustissimam opinionem tot, tantorumque Theologorum mentibus tam penitus insitam convellendam aggrediar, scias, velim, facem mihi, ac lumen commode prætulisse virum perdoctum, in divinisque omnibus disciplinis, & artibus versatissimum Prudentium Maranum ⁽¹⁾, ex cujus lectione sincere, pro eo sane, ac debeo, candideque confirmo, me non mediocriter profecisse, edendique hujus opusculi occasionem nactum esse. Nihil astute dissimulo, quia *benignum est, plenumque pudoris ingenui fateri per quos profeceris*, uti nos admonet præclare Plinius ^(b). De reliquo nihil tale expectabam, cum sententiæ meæ jacta quasi semina, & fundamenta deprehendi in Theodoro Peltano, Cardinali Baronio, Binio, Labbeo, Stephano le Moïne, aliisque, qui nescio quam fidei formulam in Antiocheno conventu editam, & de qua in extrema opellæ parte dicturus sum, amplexantur. Maranum si demas, & quos proxime nominavi Scriptores, qui nec opinanti mihi novum veluti signum ad bene sperandum sustulerunt, nullis aliorum, quod

B

sciam,

(a) Horat. Lib. 1. Epist. 3.

(b) Præfat. Histor. Natur.

(1) Lib. 4. cap. 29. Operis de Divinit. Jesu Christi, & cap. 7. *Dissertationis de Semiarianis*, in qua nova editio operum S. Cyrilli Hierosolymitani a P. Toutteo adornata defenditur. Prodiit Dissertatio illa gallice scripta Parisiis anno 1722, ejusque mentionem faciunt Actores Trevolentium conditores ad annum 1723. Verumtamen ipsum ego Auctoris opusculum, etsi celebriores Urbis Bibliothecas excusserim, reperire non potui. Cæterum nostram, ac Marani sententiam inter reliqua Theologiæ capita publice superioribus mensibus disputandam proposuit ingeniosissimus Vir nobiscum & studiis eisdem, & vetustate amicitiae conjunctissimus Ludovicus Galbiati ex Cœlestinorum Familia in pererudita lucubratione, quæ inscribitur, *Animadversiones in Verbum Dei scriptum &c.* par. 2. pag. 54, quod eo etiam dico, ne cui fortasse videar suam laudem, aut gloriam invidere.

sciam, auctoritatibus stipatus in lucem exeo; tantum rationibus, argumentisque confido, quæ spero a Lectoribus æqui, bonique consultum iri, si integris animis expendantur, semotis contentione, & odio, quibus, ut Melchior Canus gravissime tradidit, frequenter solent hominum exoculari judicia (a). Quin ex illa etiam parte in bonam de me spem inducor, quod certe e Religionis potius dignitate facturus sim, si ostendero, nihil unquam minus Antiochenos Patres, quam de damnando, aut rejiciendo homousio cogitasse.

IV. Vocem ergo homousion, ut hinc potissimum ordiatur, in Antiocheno Concilio proscriptam, ac repudiatam non esse, ex certissimis antiquæ historiæ monumentis efficitur, quibuscum censura illa perspicue pugnat, nedum conciliari non potest. Antiochena altera Synodus adversus Paulum Samosatensem Antiochiæ Antistitem anno 269 congregata est, & usque in annum posterum continuata, ut recte demonstratum a Pagio (1). Tunc autem necdum nonus, vel etiam octavus annus inierat, ex quo Pentapolitæ nonnulli Dionysium Alexandrinum Episcopum apud cognominem Romanum Pontificem accusaverant, quod rem creatam, nec Patri consubstantialem Dei Filium affirmaret, ὡς λέγουται τοῖνυν, καὶ μὴ ὁμοῦσιν τὸν τῷ Πατρὶ (b). Criminationibus occasionem præbuerat celebris Dionysii ad Euphranorem, & Ammonium epistola, ubi cum Sabellianam perfidiam viribus omnibus profligandam suscepisset, visus est ad contrarium errorem adhærescere. Lectis Pentapolitarum litteris, Romanus Pontifex Dionysius Episcopos ad Comitata vocat, quibus rem ægre, ac moleste, ut par erat,

(a) De Loc. Theol. lib. 6. cap. 2.

(b) Athanas. Lib. de Syn. num. 43.

(2) Moneo, secundum hoc Antiochenum Concilium ab Harduino (Ind. Concil. Tom. 1.) tertium appellari. Is enim Concilium quoddam intermedium admittendum existimat habitum Antiochiæ anno 268, cui Firmilianus Cæsariensis Antistes præfuerit. Etsi vero Harduini sententia sua probabilitate non careat, satis tamen perspecta, atque explorata non est; mea vero Dissertatio nihil inde capit detrimenti. Quod igitur cum plerisque secundum ego appello Concilium, tu, si placet, tertium, seu vitandæ obscuritatis gratia, postremum nominabis. Habebis enim docilem, non repugnantem Theologum.

erat, ferentibus, ille statim totius conventus sententias ad Dionysium Alexandrinum rescripsit, jubens, ut sibi, famæque suæ consulere, & crimina, quorum a suis popularibus accusabatur, quamprimum dilueret. *Synodus Romæ coacta*, ait Athanasius, *rem indigne tulit*; *Romanus autem Episcopus omnium sententiam ad Dionysium gentilem suum perscripsit* (a). Qui, tristi accepto nuncio, cum iniquas de se suspiciones Romani Pontificis animo diu insidere pati non posset, prolixam e vestigio epistolam ad illum dedit, ubi mendacii illatum sibi crimen coarguit, qua parte Filium consubstantiali Patri negasse dicebatur. Nec multo post offusas nomini suo tenebras penitus disperfurus quatuor aliis libris ad eundem Pontificem missis diligentius purgavit se, & defendit. Nam in eorum primo, ut est apud Athanasium, his verbis adversarios suos ad silentium adigebat. Εἴτα τοῖς ἱκανωτέροις, καὶ προσφαιτέροις ἐνδιέτριψα, καὶ πλέον διεξήλθον περὶ τῶν ἀληθεσιῶν, ποικίλα προσεπέχειν τεκμήρια, ἅπερ καὶ σοὶ δι' ἄλλης ἐπιστολῆς ἔγραψα, ἐν οἷς ἡλεῖν καὶ ὁ προφέρων ἐγκλημα κατ' ἐμὲ ψεῦδος οὐκ ὡς ἐ λέγοντος τὸ Χριστὸν ὁμοῦσιν εἶναι τῷ Θεῷ. Εἰ γὰρ καὶ τὸ ὄνομα πάντῳ φημι μὴ εὐρηκέναι, μηδὲ ἀναγνῶκέναι ποῦ τῶν ἁγίων γραφῶν, ἀλλὰ γὰρ τὰ ἐπιχειρήματα μου τὰ ἔξῃς, ἃ σεσιωπήκασι, πῶς διανοίας ταύτης ἐκ ἀπάδει. Quæ verba sic latine se habent. Deinde in congruis, & naturæ rei accommodatioribus magis sum immoratus, ac pluribus ea, quæ certioris erant fidei, exposui, variis excogitatis exemplis, quæ tibi in alia epistola scripsi, quibus eorum criminationem depulsi, mendacemque ostendi, quæ agebant, me Christum negare Deo esse consubstantiali. Tametsi enim fateor, me hoc vocabulum nusquam in Scripturis sacris vel invenisse, vel legisse, attamen argumenta mea, quæ sequuntur, quæque isti tacuerunt, ab hac sententia nihil discrepant (b).

V. Ex hoc autem eventu, qui neque in dubium vocari potest, nec semel ab Athanasio (c) veluti res certa, atque explorata Arianis objicitur, illud necessario existit, ter-

B 2

tio

(a) Ibid.

(b) Athanas., de sententia Dionys. num. 18.

(c) Ibid. De Decr. Nicænæ Syn. & de Syn.

tio Ecclesiæ sæculo consubstantialis vocabulum longe, lateque pervulgatum fuisse; primum in Romana Provincia, ubi Summus Pontifex, coacto concilio, consubstantialitatis doctrinam confirmavit; secundo in superiori Libya, unde Alexandrini Antistitis nomen veluti parum pium ad Romanum Pontificem delatum est; tertio apud Ægyptios, in quorum regione Dionysius impactam sibi calumniam viriliter depulit, & de Filii consubstantialitate tam illustria reliquit impressa scriptis suis vestigia. Nec sane, nisi vox illa multo ante, tempore adhiberi cœpisset a Patribus, cum de divina Filii natura differerent, causæ aliquid erat, cur Pentapolitæ tot in Alexandrinum Dionysium turbas, atque tragœdias excitarent, quod Dei Filium Patri consubstantialem esse non diceret. Erat igitur homousion multorum vox percelebrata sermonibus, eamque, ut alia nunc testimonia prætermittam, Origenes nominatim, quem Dionysius noster audiverat, usurpavit (3).

IV. Por-

(3) Ut liquido, clareque pateat, Origenem annumerandum esse Patribus, qui ante utrumque Dionysium vocem homousion receperunt, Apologiam ab egregio Christi Martyre Pamphilo pro Origene editam consulamus. Pamphilus igitur ex sua, Origenisque sententia probaturus, quod *quousios est cum Patre Filius, idest unius substantiæ*, hæc profert testimonia ex illius Commentariis in epistolam ad Romanos deprompta. Cum autem discutitur hoc, quod dictum est de Filio Dei, quod sit splendor gloriæ, necessario videtur simul differendum & illud, quod dictum est, non solum quia splendor est lucis aternæ, sed & quod huic simile in sapientia Salomonis refertur, in qua seipsam Sapientia describit dicens: Vapor est enim virtutis Dei, & aporrhæa omnipotentis Dei gloriæ purissima. Paucisque interjectis: oportet autem scire nos, quia per ineffabilia quædam, & secreta, & recondita, quodammodo vim sibi faciens Scriptura sancta conatur hominibus indicare, & intellectum suggerere subtilem, vaporis nomen inducens. Quod ideo de rebus corporalibus assumpsit, ut vel ex parte aliqua possimus intelligere, quomodo Christus, qui est sapientia, secundum similitudinem vaporis ejus, qui de substantia aliqua corporali procedit, sic etiam ipse ut vapor quidam exoritur de virtute ipsius Dei: sic & sapientia ex eo procedens ex ipsa Dei substantia generatur; sic nihilominus & secundum similitudinem corporalis aporrhææ, esse dicitur aporrhæa gloriæ omnipotentis pura quædam, & sincera. Quæ utraque similitudines manifeste ostendunt, communionem substantiæ esse Filio cum Patre. Aporrhæa enim quousios videtur, idest unius substantiæ cum illo corpore, ex quo est aporrhæa, vel vapor.

His recitatis, Origenis doctrinam Pamphilus sic confirmat, ac laudat.

Satis

VI. Porro cum hac historia conciliari nullo pacto potest sententia, quæ in Antiochenis Comitibus adversus homouſion lata fertur. Quis enim rem facile non perſpiciat? Ob frequentem vocis uſum paucis ante illa Comitibus annis vel ipſi, quos vocant, Laici certo ſciunt, eſſe Dei Filium conſubſtantialem cum Patre: ſuſpiciantur, ſeu potius fingunt, id dogma a Patriarcha ſuo negari, ſtatimque illum magnæ in Deum impietatis inſimulant: Romanus Pontifex, convocatique Antiftites, tanquam in graviffimo crimine, indignantur: mox ad Dionyſium plena mittitur querelarum epiftola: ipſe vero, nulla mora interpoſita, deteſtatur invidiam, ſcriptiſque conatur oſtendere, ſe nunquam tantum ſcelus concepiſſe (§. 4.): cum ecce Synodus Antiochiæ brevi poſt intervallo coacta ad dejiciendum de gradu hominem, qui Dei Filium purum eſſe, putumque hominem delirabat, omnia ſus, deque vertit, & acta utriusque Dionyſii abrogat, & reſcindit. Non ſolum enim non declarat, ut optima tuendæ fidei ratio poſtulabat, Filium eſſe Patri homouſion, verum etiam, id, quod reprimendo errori maxime contrarium erat, vocem ipſam homouſion in Romano Concilio, at-

Satis manifeſte, ut opinor, & valde evidenter oſenſum eſt, quod Filium Dei de ipſa Dei ſubſtantia natum dixerit, ideſt ὁμοούσιον, quod eſt ejusdem cum Patre ſubſtantia; & non eſſe creaturam, neque per adoptionem, ſed natura verum Filium, & ex ipſo Patre generatum. Audiſtin? Animadvertit hic Pamphilus, Filium Dei apud Origenem Patri ὁμοούσιον nominari, quamvis id Origenes non de Filio, ſed, quod eodem recidit, de aporhæa, ſeu vapore aſſeveret. Suſpicari autem prudenter, meritoque non potes, vocem ὁμοούσιον Ruſſini Interpretis manu injectam fuiſſe. Tribus enim in locis Ruſſinus græcum vocabulum retinet, ut Lectores admoneat, illud in græcis exemplaribus reperiri; nec latino conſubſtantialis nomine utitur, ne cui nomen videatur de ſuo addidiſſe, atque in opère, quod latine interpretabatur, non ipſum nomen, ſed rem tantummodo nomine ſignificatam repeririſſe.

Interim, ut de vocis homouſion antiquitate conſtaret, adjicere illud nunc poſſem, Auctorem Libri, qui Ποσειδωνίου inferibitur, & Mercurio Trimeſiſto diu tributus eſt, diſerte Dei Filium Patri homouſion appellaviſſe. Auctorem porro Chriſtianum eſſe hominem, nec longe poſt Apoſtolorum tempora emiſſe, optime probatum Petavio Lib. 1. de Trinit. cap. 2. §. 3. & 4. Sed Scriptoris ejus auctoritate ad conſciendum, quod volo, mihi opus non eſt. Id tamen notatu erit perutile.

atque a tot Patribus consecratam proscribit, planeque repudiat. Quam belle, quæso, sibi hæc, & egregie respondent? Neque enim vero est consentaneum, tot præclarissimos & sanctitate, & doctrina Antistites, quot Antiochiam in causa Pauli convenerant, aut nescivisse, quod nec ipsos populares latebat, aut scientes, prudentesque id vocabuli, quod veluti quoddam rectæ fidei insigne, & quasi nota habebatur, ab usu Ecclesiæ removisse. Ab omni autem verisimilitudine abhorret, ut rem paucis antea annis in luce totius Ecclesiæ inter utrumque Dionysium gestam ignoraverint, multoque magis, ut a debita erga illos pietate, observantiaque discesserint, damnantes quod isti ex veterum instituto sanciverant, cum præsertim hoc semper in more positum fuerit, ut Patres majorum leges, ritus, consuetudines diligentissime retinerent. Proprium est enim Christianæ modestiæ, ac gravitatis a majoribus accepta servare, ut pulchre docuit Vincentius Lirinensis. Adde, quod Antiocheni Antistites antea Dionysium Alexandrinum ad Comitata invitaverant (a), ac suas litteras omnibus quidem Episcopis, sed nominatim tamen Dionysio Romano Pontifici, & Maximo Dionysii Alexandrini successoris inscribunt, tantum abest, ut eorum decreta, atque sententias abrogare voluerint. Nam qua demum præ Romano Pontifice auctoritate valebant, ut ejus scitis, sanctionibusque intercederent? Probatissimis ergo historiarum monumentis repugnat, ut vox homousion in Antiocheno conventu proscripta, ac repudiata dicatur.

VII. At enim cum voce ejusmodi Paulus abuteretur, operæ pretium fuit illam rejicere, ac de medio remove. Præclare vero. Nam si homo impius dictione homousion, abutebatur, at caste, integreque alii utebantur. *Male intelligitur homousion*, apte respondisset Hilarius; *quid ad me bene intelligentem* (b)? Satis erat, ut quam illi Paulus falsam notionem subjecerat, execrarentur, vocisque vim, ac potestatem exponerent (c), quin vocem damnando alii erroribus

(a) Epist. Synod. 2. Concil.

(b) Lib. de Syn. num. 85.

(c) Apposite eodem loco adversus Semiarianos Hilarius: *Sed male alius homousion intelligit. Damnemus in commune vitiosam intelligentiam,*
non

bus aditum aperire, nullamque & Patribus, & Romano in primis Pontifici adhibere reverentiam viderentur, a quibus homousion approbatum non solum, sed etiam quasi illustre quoddam incorruptæ doctrinæ indicium constitutum esse intellexerant. Viderint igitur, viderint adversarii cujus demum fuisset pietatis, & prudentiæ repudiare vocabulum, cujus censoria animadversio errorem unum oppugnabat, alteri viam muniebat, & quo rejecto, tota majorum, tota Pontificis Maximi labefactabatur auctoritas. Atque hic ego Curcellæum potissimum velim, Clericum, cæterosque heterodoxos Scriptores, qui Nicænam formulam variis nominibus, idque audacissime, reprehendunt. Nam si imprudenter, ut fingunt, Nicæni Antistites verbum homousion in publicas tabulas retulerunt, quod in Antiocheno Concilio proscriptum sit, inconsiderate etiam, ac temere Antiocheni Patres idem nomen non multo ante auctoritate publica, consecratum notassent, ejusque usum interdictum omnibus voluissent. Divine prorsus ex Semiarianorum principiis acutissimus Athanasius, *si quis igitur eos, inquit, qui Nicæa convenerunt, arguit, quod præter majorum decreta quædam protulerint, is jure septuaginta Episcopos reprehendat, quod majorum suorum decreta non servarint. Prius quippe erant ambo Dionysii, atque ii, qui tunc temporis Romæ convenerunt Episcopi (a).*

VIII. Ad hæc nonne Antiocheni Patres experientia, longoque usu didicerant, nihil magis esse impiis familiare, vel proprium, quam ut sacrarum litterarum oraculis ad errores suos constabiliendos nefarie abutantur? Neque tamen colligebat quispiam, ea loca continuo averruncari oportere. Unicuique certe facile poterant in mentem venire rationes hisce similes, quibus Semiarianos posteriori memoria perstrinxit Hilarius. *Si timemus, ajebat hic noster, ne homousion male intelligatur, ergo deleamus in Apostolo quod dictum est: mediator Dei, & hominum homo Christus Jesus,*
quia
non auferamus fidei securitatem; paulloque post, sed homousion potest male intelligi? Constituaturs qualiter bene possit intelligi. Exsilio propemodum gaudio, cum video, tantum virum mihi in dissolvendo argumento tam belle præire.

(a) De Syn. num. 45.

quia ad auctoritatem hæresis suæ Photinus hoc utitur
Pereat quoque ad Philippenses scripta epistola aut igne , aut
spongia , ne in ea Marcion relegat , & habitu inventus ut
homo , phantasiâ corporis confitens esse , non corpus . Non
exet Evangelium Joannis , ne Sabellius discat , Ego , & Pa-
ter unum sumus . Neque isti nunc creaturæ prædicatores scri-
ptum habeant , Pater major me est Male intelligitur
homouſion , quid ad me bene intelligentem (a)? Hæc porro
 Hilarii , aut id genus sensa similia poterant se statim offer-
 re Antiochenis Episcopis , quæ eos a rejicienda , plecten-
 daque voce homouſion deterrent . Quod igitur consub-
 stantialis vocabulo Paulus abuti potuerit , fatearis necesse
 est , causam esse nullam , cur illud a Patribus proſcribide-
 buisse affirmemus ; aliunde cum optimæ nobis suppetant ra-
 tiones , quamobrem statuamus , reipsa proſcriptum non esse
 (§. 6.) , exinde allati a nobis argumenti vis nullo modo
 enervatur .

IX. Quin etiam non leve illi auctoritatis pondus , ac
 momentum adjicitur ex quibusdam litteris adversus Paulum
 Samosatenum conscriptis , ubi homouſion plane , aperteque
 dicitur a nostris majoribus in exponenda Filii divinitate ,
 usurpatum . Litteræ sic inscribuntur . *Beati Dionysii Archie-*
piscopi Alexandrini epistola adversus Paulum Episcopum An-
tiochiæ . Dionysius , & Compræbyteri Ecclesiæ Alexadrinæ
in Domino salutem (b) . Quamvis autem hanc epistolam a
 Turriano latine redditam Turrianus ipse , Cæsar Baronius ,
 Petavius , alique complures inscriptionis ratione adducti
 Dionysio nostro fidenter adſcripserint , nihilominus alicui po-
 tius ex Patribus , qui ad Antiochenas Synodos convenerunt ,
 acceptam retulerim . Nam , ne quid dicam de ſtilo , ex quo
 argumentatur Valeſius (c) , Antiocheni ſecundi Concilii An-
 tiſtites in ſuis litteris luculenter docent , Dionysium ad Ec-
 cleſiam tantum Antiochenam , non ad Paulum ſcripiſſe , im-
 mo huic ne ſalutem quidem dixiſſe . *Scriptiſt quidem , ajunt*
Antiochiām , ſed erroris ducem ne ſalutare quidem digna-
tus.

(a) Lib. de Syn. num. 85.

(b) Apud Labb. Tom. 1. Concil.

(c) Not. ad Lib. 7. Euseb. cap. 30.

tus est, neque ad eum nominatim; verum ad universam Antiochensem Ecclesiam litteras suas direxit. At in epistola, quæ Dionysii nomine circumfertur, is semel, aut bis Paulo scripsisse litteras dicitur in hæc verba: *rescripsimus ad ea, quæ prius scripsisti* (a). Quæ loca cum inter se non cohæreant, epistola, de qua agimus, Dionysio abjudicanda est, veriusque cum Pagio (b), Caveo, & Fabricio alicui de Episcopis, qui Antiochenis illis Conciliis interfuerint, adscribetur. Nam certe quidem ex his uni, nisi Dionysio tribuenda. Jam vero hujus Auctor epistolæ de homousio perhonorifice meminit, cum Dei Filium *Verbum Patris* appellet, *per quod omnia Pater fecit*, & quod S.S. Patres homousion (c) Patri dixerunt, λόγον τοῦ Πατρὸς; δι' ὃ τὰ πάντα ἐποίησεν ὁ Πατήρ, καὶ ὁμοούσιον τῷ Πατρὶ εἰρημένον ὑπὸ τῶν ἁγίων Πατέρων (c): rursus igitur in vetera monumenta non quadrat opinata illa nostræ vocis damnatio. Cui rationi sua omnino constat vis, quocumque demum te verteris. Ea enim adversus Paulum epistola vel in prioribus, vel in posterioribus Antiochenis Comitiis

C

tiis

(a) Init. Epist.

(b) Ad ann. 264. num. 3.

(c) Apud Labb. ibid. pag. 875.

(5) Tam præclaro hujus epistolæ testimonio; §. 4. & 5. ac nota 3. per moti Limborchii, multoque magis Sandii vel inscitiam, vel impudentiam mirari fatis non possumus, qui (de Script. Eccles. pag. m. 39. 40.) non solum vocem homousion ante Nicæna tempora novitatis accusat, verum, ipsum quoque Athanasium temere scribit, in eorum versatum sententia, qui faterentur, vocem illam in Nicæno demum Concilio a Patribus fabricatam, fuisse. Vides præterea, humani aliquid passum esse, virum alioquin & sapientissimum, & sanctissimum Augustinum, cum Lib. 3. contra Maxim. cap. 14. & tract. 97. in Joan. ait: *adversus impietatem Arianorum hereticorum novum nomen homousion Patres condiderunt*; similiterque Vigilium Tapitanum, qui in Dial. coram Probo Athanasium, & Arium in hæc verba disputantes inducit: *quoniam res antiqua novum nomen homousion accipit, non vocabulo novo nova rei virtus accessit, hoc utique requiro, utrum res, quæ antiqua est, simul a te cum nominis novitate damnetur*. Non enim vox homousion nova erat vox, nec primum in Nicænis Comitiis ad profliganda impia Arii dogmata usurpata est. Boni tamen Scriptoris candor postulare videbatur, ne heterodoxi Theologi hæc Augustini, & Vigilii loca avide arriperent, ut inde vocem illam, veluti novam, vetustisque Patribus ignotam traducerent, cum ipsi aliunde locupletissimis testimoniis, & argumentis, quæ protuli, uberrime refellantur.

tiis prodiit : si in prioribus , superius redit argumentum (§. 6.), hoc amplius , quod in eadem Pauli causa vox homouision fuisset adhibita , nec proinde extrema initiis , quod turpe est , convenissent : si vero in posterioribus , aperte liquet , homouision probatum fuisse , non suppressum , aut obliteratum silentio .

X. Accedit alterum , & mea quidem sententia gravissimum argumentum ex illorum petitum ignoratione , & silentio (sunt hi autem in duplici genere positi , nostri , & Ariani), a quibus res ignorari non poterat , nec silentio prætermitti . Factum enim , quod Patribus Antiochenis assignatur , in squallore , & tenebris jacuit totos fere annos 90 , quot scilicet numerantur a secundo Antiocheno Concilio usque ad annum 358 , quo Ancyrae Semiarianorum Synodus habita est , ac coepit tandem damnati homouision aliquod apparere vestigium . Sic ergo exordior .

XI. Si Antiocheni Antistites suis sententiis consubstantiale de medio sustulissent , debuit certe ejus decreti fama in omnes regiones pervadere , cum litteras suas de gestis abs se rebus ad omnes Ecclesias miserint , ut ipsa illarum declarat inscriptio his verbis contexta : *Dionysio , Maximo , & omnibus ubicumque in orbe terrarum collegis Episcopis , Presbyteris , Diaconis , & universis , ac catholicis sub cælo Ecclesiis* (6) . Quamobrem si tantum turbarum , atque tumultuum conflatum est , cum unus Dionysius in nonnullorum Pentapolitarum odium , atque offensionem incurrit (§. 4.), quan-

(6) Hæc Antiochenorum Patrum epistola cum Romam perlata est , Summus Pontifex Dionysius jam e vivis excesserat . Blondellus in Libro contra Primatum Romani Pontificis deduci hinc posse contendit , Romanum inter Pontificem , & Orientis Antistites non magnam olim necessitudinem intercessisse , cum hi parum de Dionysii statu solliciti essent , nec quidquam de illius morte audivissent . Sed hallucinatur Blondellus , errorque ex eo oritur , quod falso existimet , Antiochenam secundam Synodum exeunte anno 270 convocatam , vel coactam fuisse . Ex alia vero parte , Orientis Episcopos cum Romano Pontifice magnum habuisse commercium , supremamque ejus in omnes Christiani Orbis provincias auctoritatem agnovisse , ut cætera argumenta dissimulem , ex ipsa hujus epistolæ inscriptione , ex Pentapolitarum ad Dionysium litteris &c. colligere Blondellus manifeste poterat , si quidem ingenuus esse voluisset , nec partium studio , quod sane dedecet , plus æquo obtemperasset .

quanto turbarum plus exortum fuisset, si septuaginta, eoque amplius sacrorum Antistites (7) apud omnes Ecclesias offendissent, neque levem de se, rebusque a se gestis iniecissent suspicionem, sed consignata publicis monumentis, ac litteris dedissent indicia: idque eo maxime tempore, quo utriusque Dionysii factum omnium sermonibus percrebuerat? Nunc tamen neminem mussitasse, nedum decreto illi non reclamasse invenimus, immo Synodi acta, ne excepta quidem, cujus agebatur auctoritas, Roma, omnium favore, plausu, gratulationibus ubique excipiuntur, semperque in pretio, & honore sunt habita. Quem, oro, non moveat, in re potissimum ad Religionem spectante, tantum, tam lateque diffusum silentium?

XII. Saltem ab Arianis decretum ejusmodi, si quod emanasset in lucem, ignorari non poterat, cum primi Arianii & complures Antiochenos Patres vidissent, & litteræ in omnium manibus versarentur, & illi undeque errorum suorum præsidium, patrociniumque conquirerent. Cito ergo, quod ait Maranus, olfecissent venatici illi canes, si quid in vocabulum homousion hisce litteris constitutum fuisset, nec rem sibi optatissimam vel alibi, vel in Nicæno Concilio dissimulandam putassent. Decretum, inquis, Arianos non lauit, sed objicere noluerunt. Longe id vero abest, ut suspicer. In hac enim controversia, in qua veluti pro aris, & focis acerrime pugnabatur, nemo paullo prudentior aut oblivionem, aut negligentiam Arianis affinget hominibus, qui nihil solebant intentatum relinquere, quo decreta sua defenderent. Quam igitur probabilem afferes rationem, cur

C 2

ab

(7) Episcopos, qui Antiochiam Paulum e gradu, ac loco moturi convenerant, Athanasius 70. fuisse commemorat, 80. Hilarius, alii multo plures. Athanasio, & Hilario assentiendum existimo, etsi universa re, ac sententia disferre inter se videantur. Nam si aliquot supra septuaginta consuixisse Episcopos Antiochiam statuamus, numero pleno, ac rotundo, septuaginta, vel octoginta sine veritatis injuria dici possunt. Pagius hanc Scriptorum discordiam aliter componi posse arbitratur. Illud omnino veluti certum crediderim, quod qui prope innumerabiles, aut pene infinitos Antistites eo convenisse ab Eusebio narrari putant (Lib. 7. hist. cap. 29.), interpretatione Valefii decepti sint, a quo Eusebii verba *πλείων ὅσων ἐπὶ οὐκ ἔσται*, numero prope innumerabilium, latine redduntur. Verti enim e græco debuerat, *quamplurimorum Episcoporum*.

ab Antiochenis ad Ancyrana usque Comitia nemo unus celebrati illius decreti meminerit, nullum prorsus ea de re verbum, immo ne syllaba quidem in veteribus monumentis occurrat? Habuerunt enim Ariani & sæpe alias, & in Nicæno præsertim conventu, ubi præclaram illam suam eloquentiam, atque eruditionis copiam ostentarent. Nam quanto animi ardore, atque impetu certatum hic sit, ne confubstantiale Nicænæ formulæ adderetur, ignorare arbitror neminem. Ariani nonnulli, Socrate (a), Sozomenoque (b) testantibus, vocemobruendam silentio clamabant, quod Sabelliani, vel alii falsam ei sententiam possent subijcere, comminiscens, voce istiusmodi partitionem significari substantiæ: quapropter res diu, ac serio in deliberatione versata est: iidem tamen fuisse id nominis Antiochiæ sublatum e medio tacuerunt. Non dissimiliter disputabat cum suis Arius in epistola, quam Alexandro Alexandrino Antistiti obtulit, in qua profitebatur, *non esse Filium, ut Manichæus volebat, ejusdem cum Patre substantiæ partem*, ἢ ὡς Μανιχαῖος, μέρος ὁμοῦσιον τοῦ Πατρὸς τὸ γέννημα εἰρηγήσατο (c), at neque hic Ariannæ cohortis dux Antiochenum edictum, vel decretum, commemorat. Per idem tempus ex Pauli Samosatani discipulis multi supererant. Hos quippe Nicæni Patres perstringunt 19. illo Canone, quo scitum est, ut, si Paulianistæ ad nostros redierint, salutaribus aquis antea expientur. Suspiciari Ariani facile poterant, Paulianistas verbo homousion abufuros, si iterum revocaretur in scenam, reclamandi præsto erat occasio; nec reclamant tamen, taciturni omnes, muti, elingues. Mirum! Levem, ais, quæstionem movissent. Levem ne, an gravem non disputo. Hoc scio, Arianorum ingenium fuisse ad quodvis arripiendum, proclivius, quam ut illos silere permitteret. Nullos enim hæc hominum natio conatus non adhibuit, ut homousion oppugnaret. Saltem Ariani in Nicænis Patribus desiderassent prudentiam, qui, Paulianistis adhuc superstitibus, vocem recipere, & referrent in tabulas, quam ad illorum refel-

(a) Lib. 1. cap. 6.

(b) Lib. 3. cap. 18.

(c) Apud Epiph. hæz. 69. num. 7.

lentos errores Antiocheni olim Antistites proscripserunt. Sua id sponte succurrebat in mentem, neque homousii otores tam religiose silentii leges servassent.

XIII. Quod autem a Georgio Bullo confidenter dictum reperio, dubitandum non esse, quin in Nicænis Comitiis præcipua hæc de Antiochenorum Patrum decreto difficultas, vel ratio proposita fuerit, studioseque ad trutinam revocata (a), in eo & hominis prudentiam desidero, & mihi immortaliter gaudeo. Prudentiam in primis viri docti desidero. Nam, ut modestiæ causâ Tullii utar sententia, *quid stultius, quam obijcere adversario, quod ille si verbo negavit, longius progredi non possit, qui objecerit* (b)? Deinde immortaliter mihi gaudeo. Cum enim Bullus, etsi asseveranter loquatur, meris tamen ducatur suspicionibus, vel conjecturis, neque enuntiationis suæ speciosam aliquam afferat rationem, immo ne afferre quidem possit, suis ipse dictis argumenti nostri vim, & efficacitatem agnoscit. Agnoscit enim, ac probat, produci ab Arianis decretum Antiochenorum Antistitum debuisse, si quidem illi vocem homousion condemnassent, licet in eo sine dubio erret, quod decretum reapse productum esse asseveret. Bullum autem errare, & Theologos habeo confitentes, & ex superioribus, aliisque, quæ mox subjiciam, probatissimis documentis non difficulter efficitur. Verius igitur ex Arianorum, ut arbitrator, aliorumque adductus silentio argumentatur Stephanus Curcellæus (c), qui congregatos Nicææ Pontifices nihil de Antiocheno decreto audivisse contendit, nisi quod præposere exinde cogit, eos per imprudentiam vocabulum homousion sacræ formulæ adjecisse, cum hoc potius cogere debuisset, Antiochenum illud decretum esse ad fabulas amandandum. Vides ex his, quæ demum efficientia sit veritatis, quæ interdum etiam ab invitis assensum extorqueat. Nam vel ipsi adversarii argumentis nostris pondus sententiis suis, auctoritatemque conciliant. Pergamus igitur tam bonis avibus, silentiique perpetuitatem, atque constantiam, quod

(a) Defens. Fid. Nic. sect. 2. cap. 1. §. 10.

(b) In M. Antonium Philipp. 2. 4.

(c) Loc. supra cit.



quod expendendum suscepimus , adhuc studiosius investigemus .

XIV. Nam si muti, ut docui, Ariani, non minus mutus, aut elinguis cupidissimus Arianorum Eusebius. Is enim in epistola, quam Nicæno dimisso conventu ad suos Cæsaream dedit, homousion a nostris Majoribus usurpatum agnoscit, eoque permotum se ait, cur idem probaret, damnatum, tamen, ejusque interdictum usum ignorat. *Ἐπὶ καὶ, inquit, τῶν παλαιῶν ἵνας λογίους, καὶ ἐπιφανέας ἐπισκόπους, καὶ συγγραφίας ἔγνωμεν ἐπὶ τῷ Πατρὶ, καὶ τοῦ Υἱοῦ Θεολογίας τῷ τοῦ ὁμοούσιου συγχορηταμένους ὀνόματι. Novimus enim, & veterum nonnullos doctos, & illustres Episcopos, ac Scriptores, cum de Patris, ac Filii divinitate agerent, usos esse consubstantialis vocabulo (a).* Idem Eusebius etsi bonam litterarum, Antiochenæ Synodi partem in librum septimum historiæ suæ transtulerit, nullum in ea nihilominus de capitali consubstantialis judicio neque verbum, neque vestigium. Decretum ne in altera epistolæ parte extitisse putabimus? At quis sibi facile persuadeat, Eusebium tam male hic de Arianis meritum esse, ut quæ eorum causæ favere videbantur, ea de industria dissimulare voluerit, posterisque invidere? Eusebius enim, nisi secta, & disciplina, at certe studio erat, voluntatéque Arianus. Eusebius in Nicæno Concilio suum in homousion odium patefecit, nec prius nomen a se admissum testatur, quam declaratum est, ipso Constantino explicante, non ita homousion dici Dei Filium, uti in creatis rebus usuvenit. Eusebius tandem fecte, fraudulenter, atque ob Imperatoris metum Nicænam formulam subscribendo approbavit. Si quid igitur de Antiochena illa proscriptioe explorati habuisset, nihil mehercule pro benefica ista sua in Arianos natura occultasset.

XV. Summum etiam consecutis deinde annis Arianorum silentium. Hi decreta Nicænorum Antistitum adversus Athanasii Amicum variis nominibus reprehenderant, cui Athanasius morem ut gereret Epistolam de Synodi Nicænæ decretis ex industria conscribendam suscepit: conscripsit autem omnino inter annos 350, & 354, postquam ipse, Gregorio Pseu-

(a) Apud Socr. lib. I. histor. cap. 8.

Pseudo-Episcopo interfecto, Alexandriam redierat, quem admodum Maurinæ Alumni Familiæ præclare viderunt (a). In ea ergo Epistola Ariani conquisitis undequaque singulari cum diligentia argumentis vocabulum homousion criminantur, idest maximas in tota Epistola nugas agunt, nusquam censuræ, quæ Antiochiæ lata est, mentionem injiciunt. Eadem perfidi, quæ sæpe alias, proferunt aculeata sophismata, nihil veriti, ne illud sibi quisquam in aures infusurret

..... Et citharædus

Ridetur, chorda qui semper oberrat eadem (b), ubi vero de homousio ab Antiochenis Patribus condemnato esset dicendi locus, statim obmutescunt, recordantur nihil, labunturque memoria. O homines obliviosos! Commodum Arianis occurrisset Simonides, aut quisquis olim Themistocli artem memoriæ pollicebatur (c), quando ubi maxime opus memoria erat, nullam rerum suarum recordationem habebant. Et sane non in hac solum epistola, verum in aliis etiam Athanasii libris antea compositis, in quibus commodum Arianis fuisset de homousii damnatione disserere expressa, & illustria immemoris ingenii signa ediderunt. Iidem anno 357 novam Sirmii doctrinæ formulam promulgarunt, in qua execrationibus publicis sancitum est, ne consubstantialis mentio fieret, quod ea vox sit a divinis litteris aliena, hominumque captum, intelligentiamque transiliat, binas scilicet deprecandæ temeritatis gratia ratiunculas asserunt & levissimas, & perinfirmas, Antiocheni tamen decreti, quod erat in speciem ad concludendum commodius, egregie hic etiam obliviscuntur. Innumerabilia dici possent in hanc sententiam; sed non necesse est. Nihil est enim, de quo minus dubitari possit, quam censoriam consubstantialis proscriptionem iis, qui neque rem ignorare, neque silere poterant, ignotam prorsus, atque silentio prætermisam fuisse.

XVI. Cui igitur gravem taciturnitas ista suspicionem non afferat? Fateor enim, esse argumentum ex eorum nume-

ro

(a) In Præfat. ad hanc Epist.

(b) Horat. in Arte.

(c) Cicero de Fin. lib. 2. cap. 32.

ro unum, quæ negativa appellamus; at certe, adjunctis, rebusque omnibus diligenter perpensis tantam præ se ferre videtur vim, quanta vix major in hoc controversiarum genere optari possit. Quæro enim de te: an non maxime clara, atque testata Criticæ præceptio est, facta illa fabulam sapere, de quibus nemo unus meminit, quorum tamen meminisse intererat, & quibus persæpe mentionem faciendi oblata fuit occasio? Id autem in nullam rem aptius, quam in Antiochenum decretum quadrat, cujus, ut nostros omittam (§. 11.), ne verbum quidem fecere Ariani, etsi his & commemorare prodesset, & sæpe etiam testificandi facti locus peropportunos suppeteret (§. 12. 14. 15.). Argumentum vero illustriorem adhuc apud heterodoxos Theologos auctoritatem habere debet, qui frequenter ex unius, aut alterius Scriptoris silentio de rebus etiam exploratissimis, atque certissimis pugnacissime litigant. Vos ne, mi Clerice, cæteri que, inventionem Crucis Christi O. M. inter commenta, ac fabulas referetis, quod Eusebius auctor coævus ea de historia conticescat, etsi Cyrillus, & Ambrosius, qui eodem scripsere sæculo, perspicua rei testimonia, ac monumenta reliquerint; ego autem ex summo, constantique Arianorum silentio, quibus præsertim in locis exultare hominum debuisset oratio, non efficiam, nec concludam, Antiocheno Senatui nihil unquam minus in mentem venisse, quam ut in vocabulum homousion animadverteret?

XVII. Quamquam quid disputo? Illuxit, illuxit tandem, Antiochenique Senatus consultum e sordibus, cæcisque tenebris, ubi 90 annos blattis, ac tineis fere exesum jacuerat, in lucem revocatum est. Nec amplius elingues, muti, taciturni Ariani; diuturni enim silentii, quo hætenus prudentiæ causa usi fuerant, finem aliquando tandem Synodus attulit Ancyrana. Ego hic respirare jam cœperam, dulcemque veritatis lucem apertis oculis intueri, cum repente animo recolens, factum, de quo disputatur, non aliis fultum esse testibus, nisi Semiarianis hominibus, ad ingenium redii, in susceptaque obdurui sententia huic nixus, fretusque argumento, ea facta, veluti commentitia repudiari oportere, quæ a nullis idoneis testibus, quæ sero, quæ sine ratio-

tionum momentis ab hominibus, quorum illa intererant, narrata sint, publicisque litteris consignata. Merito ne, an immerito movear, ex his cordatus Lector intelliget.

XVIII. Itaque omnium primi Semiariani in quadam epistola de *Homousii*, & de *Homousii expositione* consubstantialis vocabulum in posterioribus Antiochenis Comitibus proscriptum dixerunt. Sic enim apud Hilarium loquuntur. *Patres nostri, cum Paulus Samosatenus hereticus pronuntiatus est, etiam homousion repudiaverunt, quia per hanc unius essentiae nuncupationem solitarium, atque unicum sibi esse Patrem, & Filium prædicabat (a).* Rei tamen, quæ id generis hominum auctoritati unice innititur, fidem adhibendam non esse, multis nominibus persuasissimum habeo. Nam primum cum Semiarianis foret Nicæna vox odiosa, planeque invisa, eorumdem intererat plurimum, ut quod ipsi faciebant, idem olim Antiocheni Antistites fecisse viderentur. Ex hac igitur parte illorum auctoritas concidit (b). Ob effræne, in homousion odium eo temeritatis progressi sunt, ut sacram, ac salutarem vocem, indicta causa, proscripserint. *Εἰ τις ἑξ ὧν, καὶ ὅτι λέγων τὸν Πατέρα Πατέρα τοῦ Τιῷ ὁμοῦσιον, ἢ ταυτοῦσιον λέγει τὸν Τίον τῷ Πατρὶ, ἀνάθεμα ἔστω.* Si quis Patrem potestate simul, & substantia Filii Patrem asserens consubstantialem, vel ejusdem cum Patre substantiæ Filium esse dicat, anathema sit (c). Quid autem, quæso, magis opportunum ad hanc præposteram agendi rationem aliqua pietatis specie convestiendam, quam censuram Antiocheni Concilii animadversionem prætereundum? Nemo id in quæstionem adduxerit. Deinde quosnam hujus historiæ, aut narrationis suæ testes in medium protulerunt? Quos prædes dedere? Quæ argumenta? Nimis enim sero prodierunt in scenam, quam ut eis, idest suspectis hominibus, prima statim denuntiatione fides sine ullis testibus habeatur. Simili olim argumento Augustinus objecta a Peti-

D

liano

(a) Hilar. lib. de Syn. num. 81.

(b) Apud Epiphani. hæc. 13.

(c) Egregie Cicero lib. 2. de Orat. cap. 15. *Quis nesciat, primam esse historiæ legem, ne quid falsi dicere audeat, deinde ne quid veri non audeat, ne qua suspicio gratiæ sit in scribendo, ne qua similitudinis?*

liano in Marcellinum, aliosque Romanos Pontifices crimina diluebat. *Marcellinus*, inquit, & *Presbyteri ejus Melchias, Marcellus, & Sylvester* *thurificationis ab eo crimine arguuntur: sed numquid ideo etiam convincuntur? Aut convicti aliqua documentorum firmitate monstrantur? Ipse sceleratos, & sacrilegos fuisse dicit: ego innocentes fuisse respon-* *deo. Quid laborem probare defensionem meam, cum ille ne tenuiter probare conatus sit accusationem suam (a)?* Non poterat subtilissimus homo Augustinus nostram expressioribus verbis corroborare sententiam? Nam nostri illi, etsi id maxime necessarium esset in re hætenus inaudita, quam suspicari merito poterant, ab adversariis rejectum iri, ne ipsas quidem Synodi ausi sunt litteras, vel decretum exscribere. In controversia igitur ab eorum temporibus dissipta, & cum antiquioribus monumentis perspicue discordante (§.6.9.), nullo modo possumus, salva veritate, fidem Semiarianis adjungere. Nec certe facile nobis in animum inducimus, ut credamus, id illos longo post tempore invenisse, quod neque historiae parens Eusebius, neque Ariani, sagacissimi rerum ejusmodi venatores in Antiochenæ Synodi litteris repererunt. Quod si id felicitate quadam doctrinæ soli sciverint Semiariani, cur tanti momenti rem absque ulla testificatione prodidere?

Narro tibi: sponsonem libentissime fecerim, nec Synodi epistolam ab iis fuisse lectam. Aiebant enim, ut vidimus, Antiochenos Patres in homousion tulisse sententiam, quod Paulus vocabulo abusus *unicum sibi esse Patrem, & Filium predicabat*. At nunquam tale de Paulo judicium Antiochenis Patribus Semiariani affinxissent, si eorum litteras adjissent. Nam in ea litterarum parte, quam sua nobis diligentia Eusebius ab oblivione, & interitu vindicavit, Paulus arguitur, impietatisque accusatur, quod Dei Filium e Cælo venisse inficiaretur, quod ortum e terra effutiret, quod in Artemonis perfidia se se plurimum ostentaret; quod vero illum cum Patre confunderet, equidem non reperto (b). Profecto nullo modo credibile est, impium hominem di-

(a) Lib. de Unico Bapt. cap. 16.

(b) Vid. Euseb. lib. 7. hist. cap. 30.

ditione homouſion uti voluiſſe; ut exinde unam in Deo eſſe perſonam efficeret. Nam primum ad unicam perſonam, vox illa transferri nequit, cum nemo ſibi ipſe homouſios dici poſſit. Probe id intellexit Baſilius, qui epiſt. 62. alias 300 *vox iſta homouſios*, ait, *Sabellii impietatem corrigit: tollit enim hypotheſeos identitatem, perfectamque perſonarum notionem inducit: non enim idem ipſe ſibi conſubſtantiale eſt, ſed alterum alteri*. Et Ambroſius 3. de Fide Libro cap. 7. *recte homouſion Patri Filium dicimus, quia verbo eo & perſonarum diſtinctio, & natura unitas ſignificatur*. Picque idcirco, ac ſcite docuit Bellarminus, nomen illud divinitus excogitatum videri ad contrarios Arii, & Sabellii errores proſternendos (a). Deinde cum & ſocias, uſuſque vocabulum ſuoapte ingenio, eſſentiam, ac naturam ſignificet, nullumque ante Pauli ætatem exemplum produci poſſit, quo oſtendatur, ei vocabulo perſonæ notionem, ac vim ſubjectam fuiſſe, ut docte Laurentius Berti animadvertit (9), longe a vero diſtat, Paulum ea de cauſſa dictionem homouſion probaviſſe, ut plures a Deo perſonas excluderet. Antiocheni quippe Pontifices duobus verbis reſpondiſſent, uſiam non perſonam, ſed naturam, aut eſſentiam designare, Paulique errores tanquam pueriles levi negotio conſutaſſent. Semiariani igitur, vides, ne ipſam quidem Antiocheni Senatus legerunt epiſtolam. Quare cum factum, de quo diſſeritur, nullis idoneis, probatiſque teſtibus muniatur, ſed a ſuſpectæ fidei hominibus, quorum intererat, rem ita eveniſſe, ſine ullo argumentorum genere, ſeroque nimis narretur, ſine dubio relinquitur, omnia illud *veritas*, ſeu falſitatis indicia præſeferre; atque id eo magis, quod Semiariani fontes, ex quibus rei petenda erat cognitio, non adierunt.

D 2

XIX. Tot

(a) Lib. 2. de Chriſt. cap. 3.

(9) De Theolog. Diſciplin. lib. 7. cap. 13. Tom. 1. pag. m. 104. Id ipſum antea docuerat Stephanus le Moyne (Notæ, & Obſervat. in varia ſacra Tom. 2.), qui verbum homouſion a Sabellianis uſurpatum negavit. Quomodo enim, inquit, qui divinas perſonas a ſe ſeparatas eſſe inſciabatur, & unicam tantum admitterebant, dictionem homouſion ad confirmandos errores ſuos vel excogitaſſent, vel excogitam ab aliis adhibuiſſent? Sed dignus eſt Auſtor, qui in hac controverſia conſulatur. Mihi enim brevitati, quoad res patitur, ſerviendum eſt.

XIX. Tot septus, ac munitus præsiidiis æquo nunc animo patiar, ut Antiocheni diplomatæ testes appelles, ac proferas Athanasium in primis, Hilarium, Basilium, tum alios, si vis, auctores, qui posteriori memoria floruerunt. Etenim multa, nec sane levia, aut fucata sunt, quibus tantorum virorum testimoniis occurramus. Ac principio quidem viri sanctissimi Athanasius, Hilarius, Basilus (nam de cæteris minus laboro) de Antiochena in consubstantiale sententia mentionem fecerunt, Ancyrano jam conventiculo habito. Athanasius enim facti ejusmodi meminit in Libro de Synodis Arimini, & Seleuciæ, quarum utraque anno 359 convocata est, integro scilicet anno post Synodum Ancyranam. Eum igitur librum post Ancyrana Comitia Athanasius edidit, quemadmodum etiam librum item suum de Synodis Pictaviensis Hilarius, quippe qui ex Canonibus Ancyræ perscriptis 12 in hoc libro recenset, immo & epistolam ab Ancyranis Legatis Sirmium delatam commemoret. Atque hic est liber ex Hilarii operibus, in quo primum Antiocheni edicti deprehenduntur vestigia. In aliis antea divulgatis frustra perquiras. Basilus tandem ejusdem edicti reliquit memoriam in 52, alias 300 Epistola, quam cum scripserit, Maurinis alumnis docentibus, ipsis sui Pontificatus initiis, constat quod mihi erat ad concludendum propositum. Auctore enim apud Bellarminum Labbeo (a), Basilus anno circiter 369 Cæsariensis renuntiatus est Pontifex. Etsi ergo Athanasius, Hilarius, atque Basilus decreti Antiocheni meminerint, quia tamen post Ancyranæ Synodi tempora rem litteris prodiderunt, neque aliunde, quam a Semiarianorum Familia facti hujus manavit cognitio (§.18.), illorum testificatio, ut mittam cætera, quæstionem non dirimit, cum præsertim nulla ipsi afferant argumenta, quibus aliquis convincatur. In eam ut discedamus sententiam, movemur hac Criticæ regula, quæ omnium approbatione, & judicio rectissimo præcipit, ut quæ facta testes cœvi, & antiquiores non memorant, tunc in primis, cum narrare debuerant, in dubium revocentur, multoque magis, cum aliqua suppetunt repugnandi argumenta. Quare cum de Antiocheno in homousion decreto nunquam nostri

(a) De Script. Eccles. pag. m. 85.

ftri (§.11.), nunquam Ariani, etsi sæpissime debuissent, totos 90 annos meminerint (§.12.14.15.), omniumque primi Semiariani, nullius nimirum in hac causa auctoritatis, ac fidei homines illius mentionem injecerint (§.18.), aliunde ipsum decretum cum probatissimis monumentis pugnet (§.6.9.) superior regula obstat, & impedit, ne Patrum, quos proxime nominavi, testimoniis sine considerantia acquiescamus. Nam unde tandem hi Patres facti notitiam habuere? Non ex aliis profecto, alte spectare si voles, quam ex Semiarianorum fontibus, quos veluti impuros, & lutulentos rejicimus, atque averfamur.

XX. Fortasse, inquires, superiorem, cui nitimur, regulam, falsitati obnoxiam esse, & ambiguam, quippe cum in Latinis Scriptoris Phædro, & Curtio non obtineat, quorum opera etsi nemo unus coævus auctor recenseat, genuina tamen haberi debent. Falleris profecto, audacter dico. Negantis enim argumenti non eadem semper est vis, nec auctoritas. Nam, qui aliquid tacet, is continuo non negat, tantum oscitantia, aut ad summam malitiæ potest coargui; quod si ergo non negat, certe historicorum agentium fides tota perstat adhuc, & permanet, neque superiorum silentio elevatur. Hinc immerito quis aureas Phædri fabulas tanquam genuinas vereretur accipere (similiter enim de Curtii opere statues), quod Tiberii ætate, qua Phædrus vixit, vel floruit, nemo illarum meminere, sed omnium primus Avienus Theodosii magni temporibus easdem fabulas in lucem, adspectumque produxerit. De argumento autem, quo utimur, ne verbum homouision tam gravi supplicio ab Antiochenis Patribus vindicatum putemus, longe aliter sentiendum. Non solum siquidem nostri, non solum per diu silent Ariani, sed tum maxime hi obmutescunt, cum suam debuissent eloquentiam perorando ostentare; adsunt præterea gravia repugnandi argumenta, ne id genus vocabulum proscriptum esse arbitremur. Atque hoc, non antecedens, argumentum illud est negativum, quod maximi semper ponderis viris doctis est habitum, & quo nos merito adducimur, ne Athanasii, ne Hilarii, ne Basilii, quorum, alioquin, veneranda nobis esse debet auctoritas, accipiamus in re Critica testimonium. Abs te amice Lector,

etiam;

30
etiam, atque etiam peto; ut argumentum in primis ex al-
to ductum Arianorum silentio pacato animo, ac diligenter
expendas; omnino enim sic tibi persuasum iri confidimus,
nos non sine causa & gravissima, & maxima a tantorum
Patrum sententia, modeste licet, ac verecunde, desciscere.

XXI. Ne quis tamen existimet, speciosas elabendi
causas me querere, nondum illos dimitto. Neque enim
Athanasius, Hilarius, Basilii aut rem suo nomine referunt,
aut ulla ejus proferunt documenta, sed ab adversariis ob-
jectam historiam ita concedunt, ut non tam illam explora-
tam, ac perspectam habere, quam humanitatis causa ne-
gare nolle videantur. Quo certe fit, ut immerito tanquam
testes, vel iudices in hac controversia appellentur, nec vere
nos illorum auctoritati nuncium remittamus. Audi, si me
amas. Etenim, quin nemo trium ejusmodi Antistitum de-
cretum Antiochiæ editum legerit, negari non potest. Atha-
nasia jam inde a principio alta voce denunciatur, se ad ma-
nus Concilii litteras non habere, factum adversariorum ser-
monibus circumferri, nolle se tandem obstinate contendere.
Est hæc igitur ejus oratio. Ἐπειδὴ δὲ, ὡς αὐτοὶ φασί, τὴν γὰρ
ἐπιστολὴν ἐκ ἔχον ἐγὼ, οἱ δὲ Σαμοσατεῖα κατακρίναντες ἐπίσκοποι,
γράφοντες εἰρήκασιν, μὴ εἶναι ὁμοούσιον τῷ Θεῷ τῷ Πατρὶ, καὶ λοιπὸν
αὐτοὶ διὰ τὴν πρὸς τοὺς εἰρηκότας εὐλαβείαν τε, καὶ πᾶν ἕως περὶ τὴν
λέξιν διακινεῖται, καλὸν μετ' εὐλαβείας καὶ περὶ τούτου διασκέψασθαι.
*Quoniam autem (ut ipsi dicunt, nam epistola penes me non
fuit) qui Samosatensem damnarunt Episcopi, scripto tradi-
dere, Filium non esse consubstantialiorem Patri, ac demum ipsi
pietatis, honorisque causa erga viros, qui hæc dixerunt, sic
pro ea voce sunt affecti; opera pretium fuerit pie cum ipsis
hac de re differere (a). Animum advertas velim ad verbum
illa Athanasii, ipsi dicunt, epistola penes me non fuit, pie
cum ipsis differere, ne tanti viri auctoritate triumphum de
nobis te posse agere arbitreris. Progreditur deinde hic nos-
ter, & demonstrat quo sensu Antiochenos Patres locutos
esse putaverit, si quidem vera sunt, quæ adversarii de ho-
mouismo in vulgus sparserant; tum hæc adscribit. *Quod si epi-
stola,**

(a) Lib. de Syn. num. 46.

stola, quam illos scripsisse dicunt, mihi copia fuisset, existimo, me plures deprehensurum fuisse causas, cur beati illi ita scribere coacti sint. Ex duobus his locis duo planissime colliguntur, primum eo dumtaxat tempore, quo se ad scribendum librum de Synodis contulit, aliquid Athanasium de Antiochena homousii proscriptione audivisse, etsi jam a tot annis in hoc tuendo Religionis propugnaculo omnes industriæ nervos intenderet; secundo rei notitiam a solis Semiarianis, tanquam ab auctoribus, accepisse. Id isthæc potissimum Athanasii verba, *ut ipsi dicunt*, a multis prætermissa Theologis, clarissime ob oculos ponunt. Et liberaliter quidem cum adversariis agit Athanasius (omni enim humanitate, & caritate illos pertractandos existimat, tanquam homines, qui, si verbum homousion detrahas, a reliquis Nicænæ doctrinæ capitibus non abhorrent), non obscuris tamen indiciis & accuratam ipsius rei considerationem, & meliores, certioresque testes desiderat. Quibus rebus, etiam me tacente, intelligitur, nostrum hunc ex Semiarianorum opinione, cui subdidit, disserere, ut proinde nobis potius, quam Antiocheni edicti patronis viri lumini opituletur auctoritas. Argumento autem plus inde lucis oboritur, quod paucis antea annis, cum epistolam de Synodi Nicænæ decretis Athanasius exararet, nihil adhuc de Antiocheno decreto resciverat (§. 15.); quem sane nodum, adversarii expedire ut possint, non mediocriter vereor.

XXII. Hilarius etiam fuisse olim homousio aqua, & igni interdictum tunc primum audit, cum opus de Synodis adornaret: antea, multa licet adversus Arianos scripsisset, ejus tamen aures adhuc peregrinabantur. Illum igitur adversariorum nomine factum mandasse litteris, nec unquam ex ipsa Antiochenorum Patrum epistola agnovisse, Sole ipso clarior res est, & illustrior. Sic enim num. 81. Semiarianos alloquitur. *Epistolam, quam a vobis de homousii, & de homousii expositione apud Sirmium Valens, & Ursacius, & Germinius poposcerunt, legi Et quidem de homousio, quod est similis essentia, commune judicium est. De homousio vero, quod est unius essentia, tractantes primum idcirco repugnandum pronuntiastis, quia per verbi hujus enuntiationem*
sub-

substantia prior intelligeretur, quam duo inter se partiti essent. Intelligo vitium in intelligentia. Secundo quoque id addidisti, quod Patres nostri, cum Paulus Samosatenus hæreticus pronunciatus est, etiam homousion repudiaverunt, quia per hanc unius essentiæ nuncupationem solitarium, atque unicum sibi esse Patrem, & Filium prædicabat. Hac oratione quid luculentius, per fortunas, in meam sententiam afferri potest? Præterea illa ipsa, quam nominat, Semiarianorum epistola permotus (10) Hilarius Paulum existimat, eadem, qua Sabellius, impietate teneri, cum tamen Antiochenæ Synodi litteræ, & res ipsa contrarium illi errorem attribuant (§. 18.) Homousion igitur ab Antiocheno Senatu proscriptum, ac repudiatum fuisse, a solis mehercule Semiarianis acceperat. Quanta hic vero erga eosdem Semiarianos humanitate utatur Hilarius, doctis perspicuum est. Declarat quidem, quid sibi in formulis Ancyrae constitutis displiceat, temerariamque, quam tulerant in vocem homousion, censuram detestatur, ubique tamen suam erga illos benevolentiam, voluntatemque patefacit, immo quid pro verbo homiusion afferri possit, tacitus non dissimulat (a).

XXIII. Venio ad Basilium. Is epistola 52 aliquid excusationis relictum illis opinatus, qui sanctiones Nicanas, dempta consubstantialis voce, reciperent, καὶ γὰρ τῷ ὄντι, inquit, οἱ ἐπὶ Παύλῳ τῷ Σαμοσατέϊ συνηλθόντες διέβαλον τὴν λέξιν, ὡς ἐκ εὐσημοῦ, *revera, qui in Pauli Samosatensis causa con-*
vene-

(a) Vid. Maur. in Præf. hujus lib.

(10) Constans mea, atque perpetua erga Majores nostros observantia, ac pietas faciunt, ut Hilarium hoc loco permotum malim dicere, quam deceptum. Cæterum deceptum ajunt Georgius Bullus, Maranus, & alii. Sunt autem qui Athanasium, ut ejus editores Maurini, sunt qui Basilium erravisse opinentur. Illud perspicuum est, hos Patres, in quorum se fidem, & clientelam adversarii mei recipiunt, in exponenda causa, cur Antiocheni Antislites consubstantialis vocem damnaverint, vehementer inter se discrepare; quod observetur, rogo. Videtur omnino istam in rem quadrare Ciceronis sententia lib. 1. de Nat. Deor. cap. 1. quorum opiniones cum tam varia sint, tamque inter se dissidentes, alterum fieri profecto potest, ut earum nulla; alterum certe non potest, ut plus una vera sit. Unum hoc addo, si consubstantialis vox, quod merito inficior, proscripta est, Paulum Samosatenum (non hercle ipsam vocem) animadversioni illi censoriæ occasione suis sophismatis præbuisse. Vide infra §. 23.

venerant, vocem hanc quasi male sonantem culparunt. Atque hoc celebre est Basilii testimonium, unde Curcellæus, & Clericus (a) ansam carpendæ Nicænæ Synodi arripuerunt, quod quam vocem alterius conventus Patres damnarant ad tenebras, adoptasset. Mirum, quin ex Athanasio etiam, & Hilario amplam nacti sint occasionem calumniæ. Nec minus tantæ confidentiæ mirus fons, qua egregium illud virorum par Nicænos in crimen vocat Antistites. Nam Basilius quidem ex recepta per id temporis vulgi opinione argumentatur, quod universa docet epistola, verumtamen ita loquitur, ut neque Antiochenas legisse litteras, neque ipsam rem satis pro merito considerasse videatur. *Dixerunt, inquit, Patres, qui Antiochiam de Paulo iudicaturi confluerant, voce consubstantialis notionem exhiberi substantiæ, & eorum, quæ ex substantia orta sunt, ita ut divisa substantia iis, in quæ dividitur, consubstantialis appellationem conciliet.* Ubi Basilius adversa fronte pugnat cum Athanasio ea in Antiochenos Proceres transferens, quæ Paulo ipse Athanasius meritissimo attribuit. Nam apud hunc non Patres, sed homo impius venerandam consubstantialis vocem exagitat, tali contorto sophismate. *Εἰ μὴ ἔξ ἀνθρώπου γέγονεν, ὁ Χριστὸς Θεός, ἕκον ὁμοούσιος ἐστὶ τῷ Πατρὶ, καὶ ἀνάγκη πρὸς ἑαυτὸν εἶναι, μίαν μὲν προηγμένην, τὰς δὲ δύο ἔξ ἑαυτοῦ.* Si Christus non ex homine Deus factus est, ergo consubstantialis est Patri, atque hinc necesse est, tres esse substantias, unam priorem, duas vero ex illa procedentes (b). Ne Semiariani ipsi quidem ineptam hanc de homoussii vi, & notione sententiam Antiochenis Patribus ausi sunt adscribere. Nam cum apud Hilarium hanc primam rejiciendi vocabuli causam, rationemque attulerunt, quia per verbi hujus enuntiationem substantia prior intelligebatur, quam duo inter se partiti essent (c), suis id verbis, non Patrum Antiochenorum nomine affirmarunt; quod tamen omisso fuisse, non arbitror, si quid ejusmodi ab eis dictum existimassent. Quid plura? Antiochenos ne Patres putaveris, sacram

E

cram

(a) Loc. §. 1. ciratis.

(b) Lib. de Syn. num. 45.

(c) V. §. 22.

cram vocem homouſion, tanquam *male ſonantem* (ſic enim, ut vidimus, e græco vertit Maurinus Baſilii editor), proſcripſiſſe? Nihil, meo arbitratu, excogitare poſſes abſurdus. Nam certe ſi Antiocheni ſacrorum Antiftites homouſion damnarunt, vel obruendum ſilentio cenſuerunt, non oppido propter vocis ingenium, indolem, ac naturam, quaſi falſum, & impium quiddam ſonaret, ſed propter abuſum hominis caſtigaffent. Numquid enim Pentapolitæ Dionyſium ſuum in iudicium vocaverunt, quod male ſonante nomine non uteretur? Numquid inter hunc, Romanumque Pontificem de conſtituendo, conſecrandoque inepto vocabulo tot ſtudiis actum eſt? Numquid nec uterque Dionyſius, nec Romani Concilii Patres, nec alii antea Scriptores agnovērunt, dictio ne homouſion explicandæ divinitatī Filii opportuna, ac par eſſet? Numquid Pamphilus tanta animi contentione in purgandis Origenis ſui criminibus ſibi deſudandum putavit, quod is de eodem Dei Filio diſſerens vocem demum abſonam, abſurdamque uſurpavit (Not. 3.)? Non eſt igitur, mihi crede, non eſt omnino, cur Curcellæus, & Clericus ad Baſilii auctoritatem conſugiant, quo inde conſlandæ in Nicænos Patres invidiæ occaſionem arripiant. Quamvis autem nihil cauſæ eſſet (eſſe enim alioquin longe graviſſimam docui §. 19.), quamobrem in re, de qua agimus, Athanaſii, Hilarii, ejuſdemque Baſilii non accipereſimus, ſi quidem nobis adverſari illos exiſtumes, teſtimonium; ex ſuperioribus tamen ſatis, ſuperque perſpicitur; egregios Antiftites prorſus immerito, ac ſine cauſa opinati decreti teſtes citari, totiuſque rei ædificium non niſi ruinofiſ, maleque materiatiſ Semiarianorum fundamentiſ inniti.

XXIV. Novum hinc mihi ſua ſponte naſcitur argumentum, quo perſpicue, planeque efficiam, ſine ulla me obtinendæ viſtoriæ fiducia ſuperiorum Patrum auctoritate ab adverſariis oppugnari. Quis enim tam Criticæ artiſ ignarus, imperituſque ſit, qui neſciat, hiſtoricos non aliam fidem facere, quam monumenta illa, vel fontes, ex quibus res deſcripſerunt? Livii de Romana Republica hiſtoriam univerſe veluti veram agnoſcimus, quoniam illam Liviuſ condidit ex Annalibus maximis, ex Catoniſ Originibus, aliisſque id genus,

nus probatis operibus, quorum perſæpe ipſe, & interdum Tullius faciunt mentionem. At pleraque veterum Romanorum miracula ab iisdem Livio, & Tullio, a Tacito, a Valerio Maximo litteris prodita in fabulis numeramus, quoniam ex vulgi opinione, popularibusque rumoribus deſumpta ſunt. Scilicet historicorum auctoritas ex præſtantia, ac bonitate fontium, quos conſectati fuerint, tanquam aurum ex igne, æſtimatur. Enimvero ex ſuperioribus manifeſto apparet, tres illos Patres non niſi ex Semiarianorum teſtimonio Antiocheni in homouſion decreti adeptos eſſe notitiam. Rem enim neque ex ipſis Synodi litteris (§. 21. 22. 23), neque ex noſtris (§. 9), immo ne ab Arianis quidem (§. 12. 14. 15) agnoverunt, conventiculo autem Ancyrano necdum habito, plane ignorabant; ſoli ergo Semiariani ſuperſunt, a quibus factum illud didicerint. Poſſetne vero ad ſuſpectioris fidei homines in hac cauſa appellare (§. 18)?

XXV. Quibus ergo ex fontibus, inquires, Semiariani facti ejus hauſerunt memoriam? Qua id fiducia publicis monumentis, ac litteris conſignarunt? Nam non more hominum loqui, ſed oracula potius fundere in ſua apud Hilarium epiſtola videbantur. Quæſtionem moves non neceſſariam. Nihil enim mea intereſſe debet prolixius hic explicare, ubinam gentium illi Antiochenum decretum repererint, poſtquam optimis, ut opinor, argumentis effeci (graviora etiam, quamprimum afferam), totam hiftoriam commentum, ac falſitatem olere. Cui, quæſo, non cognitæ veterum fraudes in conſingendis hiftoriis, in libris interpolandis, iisdemque illuſtrium virorum nomini inſcribendis, quo melius opiniones ſuas tuerentur, aliorum reſellerent? Pleni omnes ſunt libri, plena exemplorum volumina, quæ magno numero Vives, Fabricius, Launojus, Clericus collegerunt (11). Non potuerunt igitur Senatores illi Ancyrani edictum ad libidinem fingere, quo ſecum in damnatione homouſii tot præclaros Antiocheni cætus Antiftites conſentire demonſtrarent? Certe ne ipſi quidem Semiariani ante inſignem illam ab

(11) Id ipſum tota docet propemodum Diſſertatio noſtra de Græca ſacrarum litterarum editione a LXX. cognominata Interpretibus ſuperiori anno edita, quam vide, ſi placet.

Arianis, quibuscum communitate perdiu juncti fuerant, secessionem aliquid de Antiochena ista censura resciverant. Alioquin eam nostris, quo commodius sententiam suam defenderent, exprobrassent. Non levis hæc, meo judicio, conficti decreti conjectura est, vel suspicio. Quod si tamen nolis, Semiarianos de industria decretum istiusmodi confinxisse, at certe simillimum vero est, eos incertis vulgi rumoribus deceptos fuisse; idque eo facilius, quo libentius unamquamque rem arripimus, & approbamus, quæ rebus nostris usui esse, atque præsidio quoquomodo videatur. Scite Cæsar in Libro 2. de Bello Gallico *quæ volumus*, ait, *& credimus libenter, & quæ sentimus, reliquos sentire speramus* (a). Affectus enim, quod dudum monuerunt Philosophi, & attentionem a considerandis rebus avertunt, & miris modis corrumpunt judicia. Paralyti, vel podagra laborantibus circulator aliquis, ut mos est, verbis confirmet agentibus, habere se exquisitum remedium, quo eos paucis horis valetudini, sanitatique restituat; etsi gravissimi homines repugnaverint, & circulatorem deriserint, agroti tamen valetudinis ducti spe nihil de remedii præstantia dubitabunt. Avarus Plauti senex, qui domi suæ thesaurum reppererat, ea sibi ubique videre videbatur, quæ nullibi erant, de quibusque nemo unus fuisset, nec somniando sollicitus. Audiamus, obsecro, hominem, ut quantum in Semiarianis vis affectus ad faciendam fidem potuerit, hinc etiam luculenter perspicias.

*Nam nunc, cum cælo sedulo omnes, nesciant,
Omnes videntur scire, & me benignius
Omnes salutant, quam salutabant prius;
Adeunt, consilium, copulantur dexteræ,
Rogitant me, ut valeam, quid agam, quid rerum
geram,*

Me suspicantur, credo, habere aurum domi (b).

XXVI. Cæterum frustra ego in diluenda Semiarianorum fide, atque in elevanda veterum Patrum auctoritate, cui proscripti hominifii propugnatores hætenus confisi sunt, tan-

(a) Cap. 27.

(b) Aululal. Ag. 1. Sc. 2.

tantum temporis, & diligentia collocavi, ut me fere consilii mei poeniteret, nisi orationem longiusculam ipsa rerum utilitas, atque praestantia compensaret. Etenim tantum abest, ut in posterioribus Antiochenis Comitibus Majores nostri exagitata ab adversariis vocem proscripserint, ut non solum inultam, impunitamque dimiserint, verum etiam perhonorifice dedicaverint, in sacrasque publicas tabulas uno ore, & consensione retulerint. Publicas cum tabulas nomino symbolum, ut loquuntur, intelligo, quod Patres in eis Comitibus condiderunt, ubi homousion in declarandis adversus Paulum Samosatenum Religionis nostrae capitibus pluries adhibetur; quo magis mecum ab initio miratus sum, Theologorum neminem de hoc argumento cogitasse. Symbolum ecce tibi graece, latineque descriptum.

Περὶ τῆς ἐνανθρωπήσεως τοῦ Θεοῦ Λόγος, τοῦ Υἱοῦ τοῦ Πατρὸς, ὅροι τῶν ἐπισκόπων ἐν Ἀντιοχείᾳ συναχθέντων ἐν τῇ συνόδῳ. Ἐκδύσας τὴν αὐτῆς συνόδου πρὸς Παῦλον Σαμοσατεῖα.

Ὁμολογούμεν τὸ Κυρίου ἡμῶν Ἰησοῦν Χριστὸν, τὸ ἐκ τοῦ Πατρὸς κατὰ πνεῦμα πρὸ αἰώνων γεννηθέντα, ἐπὶ ἐσχάτοις τῶν ἡμερῶν ἐκ παρθένου κατὰ σὰρκα τεχθέντα.... Ὁλον ὁμοούσιον τῷ Θεῷ καὶ μετὰ τοῦ σώματός, ἀλλ' ἔχει κατὰ τὸ σῶμα ὁμοούσιον Θεῷ, ὥσπερ ἔδὲ κατὰ τὴν θεότητα ἀνθρώποις ἐν ὁμοούσιῳ, καίτοι γε μετὰ τὸ θεοποιηθῆναι ὡν κατὰ σὰρκα ὁμοούσιον ἡμῖν. Καὶ γὰρ ὅταν λεγώμεν αὐτὸν κατὰ πνεῦμα Θεῷ ὁμοούσιον, ἢ λεγώμεν κατὰ πνεῦμα ἀνθρώποις ὁμοούσιον· καὶ πάλιν ὅταν κηρύσσωμεν αὐτὸν κατὰ σὰρκα ἀνθρώποις, ὁμοούσιον, ἢ κηρύσσωμεν αὐτὸν κατὰ σὰρκα Θεῷ ὁμοούσιον. Ὡς περ γὰρ κατὰ πνεῦμα ἡμῖν ἐκ ἐν ὁμοούσιος, ἐπεὶ δὲ Θεῷ ἐστὶ κατὰ τοῦτο ὁμοούσιος, ὥτως ἔδὲ κατὰ σὰρκα ἐστὶ Θεῷ ὁμοούσιος, ἐπεὶ δὲ ἡμῖν ἐστὶ κατὰ τοῦτο ὁμοούσιος.

De Incarnatione Verbi Dei, Filii Patris, decreta Episcoporum Antiochiaë congregatorum in Synodo. Expositio ejusdem Synodi ad Paulum Samosatenum.

Confitemur Dominum nostrum Jesum Christum ex Patre quidem secundum spiritum ante saecula genitum, novissimis vero temporibus ex Virgine secundum carnem natum.... Totum Deo homousion etiam cum corpore, sed non secundum corpus Deo homousion; quemadmodum neque secundum divinitatem hominibus coessentialis est, est autem nobis secundum carnem homousios etiam in divinitate existens. Etenim cum illum

illum secundum spiritum Deo consubstantialem dicimus, non dicimus hominibus secundum spiritum consubstantialem. Contra autem cum illum secundum carnem hominibus consubstantialem predicamus, non predicamus illum secundum carnem Deo consubstantialem. Sicut enim secundum spiritum nobis non est homoufios; nam secundum hunc Deo homoufios est; ita vicissim Deo secundum carnem coessentialis non est; secundum hanc autem nobis est consubstantialis (a). Hoc igitur symbolo nihil excogitari, aut fingi potest ad constabiliendam doctrinam meam illustrius, nec opus est verbis, ubi ipsa per se loquitur res, nullius oratione, vel eloquentia confirmata.

XXVII. Equidem dissimulare non debeo, hanc formulam ita græce inscriptam esse, ut loco verborum ἐν Ἀντιοχείᾳ, *Antiochiæ* legantur hæc alia, ἐν Νικαίᾳ, *Nicææ*; quod omnem e vestigio argumenti pondus, ac vim labefaciat. Verumtamen cum Patres Nicæni eam doctrinæ formulam Paulo Samosateno jampridem e vivis erepto mittere, vel exhibere non possent, omnino crediderim, in græcam scripturam librariorum incuria errorem irrepsisse, ac pro ἐν Νικαίᾳ *Nicææ* legendum esse ἐν Ἀντιοχείᾳ *Antiochiæ*. Hac ratione permotus Theodorus Peltanus, omissa inscriptionis parte, symbolum ita latine reddidit, *Symbolum a Patribus Antiochenis ad Paulum Samosatenum* (b), illudque cum Theodoro Peltano Cæsar Baronius (c), Binius, Labbeus, Stephanus le Moynes, alique, ut testatur Fabricius (d), heterodoxi Scriptores Antiochenis Patribus meritissimo vindicant. Librarium errores quis nesciat? Nihil est enim, hac præsertim ætate, frequentioribus Criticorum usurpatum sermonibus. Si quis summi Viri Corsini nostri Fastos Atticos, Dissertationes Agonisticas, Plutarchum latine redditum, aliaque ejus & doctrinæ, & omnis eruditionis refertissima opera ad manusumat, sexcenta illi exempla gravissimorum errorum

se

(a) Apud Harduin. Tom. 1. Concil. pag. 1639. &c.

(b) In Actis Ephes. Concil. cap. 1.

(c) Ad ann. 272.

(d) Bibliot. Græca Tom. 11. pag. 363.

se offerent , quibus festinantes , aut imperiti Librarii se foedissime implicarunt . Error igitur formulæ , quem Librario tribuimus , nemini in re Critica vel mediocriter versato afferre debet molestiam , cum præsertim levi paucarum litterarum mutatione pro græca voce *Antiochia* , vox *Nicææ* scripta esse affirmetur .

XXVIII. Accedunt plura argumenta , quæ me impellunt , ac permovent , ut formulam ad Paulum Samosatenum datam Antiochenis omnino , haud sane Nicænis Patribus adscribendam existimem . Principio enim cum in Nicæna formula arcana Trinitatis , Incarnationisque mysteria satis dilucide , & concinne explicentur , causæ nihil erat , cur Patres aliam præterea disciplinæ formulam conderent . Quippe hic de iisdem , ut tute vides , Religionis capitibus agitur , de quibus in ea , quæ certo Nicæna est , adversus Arian impietatem composita actum esse intelligimus . Sed hoc argumentum , cui ego alioquin non parum tribuerim , leve fortasse quis dixerit . Sit ita . Velim enim perspicias , quam veritas præfidentem me facit . Illud profecto longe , multoque gravius , quod opportune mihi Gelasius Cyzicenus Cæsaræ in Palestina Antistes suppeditat . Vixit Gelasius anno circiter 476 . Etsi autem historiam de Concilii Nicæni actis , eandemque ex Dalmatio perantiquo Scriptore desumptam (12)

tri-

(12) Ut hujusce argumenti vis , in quo magnum ego inesse momentum arbitror , illustrius adhuc appareat , juvat Gelasii in Præfatione operis verba describere . Πάντα αἱ , ait , ἐν ἐκλήν τῇ ἐναρέτῃ , καὶ ἀγίᾳ συνόδῳ λαχθέντα τε , καὶ πραχθέντα , καὶ διατυπωθέντα παλαιά τε , καὶ πρόσφατα ἀναγνόντες , ἐπὶ ἐν τῇ πατρὶα οἰκίᾳ διάγων ἐνδικῶς αὐτὰ ἐν βιβλῇ ἀρχαιοτάτῃ ἐγγράφωμενα , ἐν μεμβρανῶν ἀπαντὰ ἀπαφαλίπτως ἐχούσης , γενομένης μὲν τοῦ θείου , καὶ αὐθιμοῦ Δαλματίου , τοῦ Ἀρχιεπισκόπου γενομένου τῆς ἀγίας , καὶ καθολικῆς ἐκκλησίας τῆς τῶν Κυζικηνῶν λαμπρᾶς μητροπόλεως . Omnia , quæ in præclara illa , & sancta Synodo dicta , facta , & constituta fuerant , jampridem , cum adhuc in paterna domo vitam degerem , legi , cum illa invenissem in antiquissimo Libro in membranis plane integris descripta , qui fuit divini , & celebris Dalmatii , in illustri Cyzicenorum Metropoli sanctæ , atque catholicæ Ecclesiæ Archiepiscopi . Ex hoc igitur Gelasii loco tum alia multa perspiciale , tum illud in primis manifeste perspicitur , nec ipsum Dalmatium , ex cujus fontibus hortos suos irrigavit Gelasius , aliquid audivisse de formula , quæ adversus Paulum Samosatenum fertur , vel potius fingitur a Nicænis Patribus promulgata . Fuisset enim hæc formula factum longe illustrius , atque

no-

tribus libris ex instituto collegerit, nullibi tamen doctrinæ formulam Paulo inscriptam commemorat, non omisurus mehercule, si quid ejusmodi Nicæni Antistites edidissent. Quod autem, me iudice, admirationis plus habet, recitat ille formulam in Arii causa compositam, tum addit hisce litteris Arii primum, deinde Sabellii, Pauli Samosatani, Photini errores penitus profligari (a), de peculiari vero formula adversus eundem Paulum in Nicænis emissâ Comitibus conticescit. O portentum! Quod enim capitale scelus admisi, ut ubique in mutos, & elingues Auctores incidere debeam? Cum Dalmatio, porro, atque Gelasio confociari hic debent Auctor. Operis: Πολιτεία τῶν ἁγίων Πατέρων ἡμῶν Μητροφάνης, καὶ Ἀλεξάνδρου, *Politia Sanctorum Patrum Metrophanis, & Alexandri*, cujus operis summam Photius (b), ut solet, exhibuit, & Auctor Libri, qui inscribitur: Τὰ πραχθέντα ἐν Νικαίᾳ παρὰ τῆς Συνόδου ἐπὶ καταρίσει Ἀρείου, *Acta Nicææ in Synodo super condemnatione Arii*; quem librum ex Codicibus Regio, & Segueriano Franciscus Combefisius græce & latine in lucem emisit (c). Ambo hi Auctores gestas a Nicænis Patribus res scriptis illustrarunt, formulam tamen in Paulum fancitam silentio prorsus prætereunt. Quæ cum sint, cur tantopere miretur Valesius, quod eam scripturam Cardinalis Baronius Antiochenis adjudicet Pontificibus, nescio. Non mendosos, ut idem Valesius suspicatur, Baronius nactus est Codices, sed rationum momenta, sed res ipsa satis per se clamat, & loquitur, scripturam Antiochenis Patribus acceptam referri oportere.

XXIX. Utramque enim formulam Valesius inter se
con-

nobilius, quam ut a summo Viro Dalmatio sine commemoratione dimitti posset. Interim de Gelasii opere præter Photium (Biblioth. cod. 15.88.89.) & Nicetas Choniates (Thesauri Lib. 5. cap. 6.), & Joannes Cyparissiota, (Decad. 3. cap. 4.) meminere. In manu scriptis quibusdam codicibus Gelasii nomen desideratur; atque hinc Balforeus opus sine auctoris nomine in lucem prodire voluit, quod tamen ex alio optimæ notæ Codice, & Photio Morellus prudenter restituit.

(a) Lib. 2. cap. 26. apud Harduin. Tom. 1. Concil.

(b) Biblioth. Cod. 256.

(c) In Actario Novo Biblioth. Patrum Part. 2.

conferat, Nicænam nimirum, & quam ego Antiochiæ conditam verisimillime arbitror, dicendi genus, totiusque scriptio-
 nis rationem, ac vim diligenter consideret; & ex stili, ordinis-
 que dissimilitudine, & indole utramque ex eodem non manasse
 Concilio deprehendet. Post hæc animadvertat, formulam, de
 qua controversamur, inter cætera Nicænorum Antistitum monu-
 menta, vel scripta nusquam reperiri, neque inibi, ne in Synodica
 quidem epistola memorari, de nostraque doctrina adhuc benignius,
 & incorruptius judicabit. Monumenta dixi, vel scripta, idest
 canones, epistolam Synodicam, & formulam, qua Arianus error eliditur;
 acta enim nominare non ausim, ne perdifficilem, idque alienis
 loco, & tempore, de Nicæna Synodi actis quæstionem ingrediar.
 Quid hic igitur respondebit Valesius? Quo Pagi-
 us, qui Labbeum, & Binium erroris non dubitanter accusat,
 confugiet? Quod ipse enim Valesius ad declinandam argu-
 menti vim conjecit, ac docuit, ejus formulæ mentionem fieri
 Canone 19. bona cum venia viri clarissimi dixerim, est desperare
 victoriam. Nam quis patienter hominem ferat (absit verbo injuria),
 qui hoc Enthymema confecerit: Nicæni Patres declarant, *si quis
 confugerit ad Ecclesiam Catholicam de Paulianistis, & Cataphrygis,
 rebaptizari eos omnino debere*; ergo de fidei formula adversus
 Paulum scripta, commemorant, vel, ergo doctrinæ formulam adversus
 Paulum ediderunt; cum præsertim formula Pauli, non Paulianistarum
 nomen sine controversia præferat? Operæ pretium erat, ut
 Valesius rem potius dissimularet, aliisque tacite judicandam
 relinqueret, quam ut argumento ejusmodi ad labantem fulciendam
 sententiam uteretur.

XXX. Sed perorabit aliquando tandem pro me Constantinopolitani Cleri Contestatio publice proposita, quæ in
 Actis extat Ephesini Concilii tum apud alios, tum apud Har-
 duinum (a). Nostis, auctorem illa habet Eusebium, a quo
 florentissimæ Ecclesiæ nomine scripta est. Hic igitur Antio-
 cheni Concilii formula appellatur ad Paulum data ante an-
 nos 160, nempe, ut ex inito calculo apparet, anno 270, quo
 habita posteriora Comititia sunt, affirmaturque præterea, inibi

F

no-

(a) Tom. 1. Concil. pag. 1271. &c.

nomen homouſion reperiſi. Heus tu Contellationem celeriter recita. *Conteſtatio* &c. *Conjuro accipientem hanc chartam per ſanctiſſimam Trinitatem, ut eam palam faciat Episcopis, Presbyteris, Diaconis inſuper etiam exemplar eis præbeat ad increpationem heretici Neſtorii, quia ſimilia ſapit anathematizato Paulo Samofateno ante annos 160 ab orthodoxis Episcopis. Sunt autem quæ ab utroque dicta ſunt hæc* Accurate deinde ab Euſebio Pauli, & Neſtorii errores inter ſe conferuntur, & ecce, pergit idem, *Neſtorius conſentit heretico Paulo dicenti, alium eſſe Verbum, & alium Jeſum Chriſtum, & non eſſe unum, ſicuti recta prædicat fides. Statimque, nullis interjectis verbis, Antiochenæ formulæ doctrina producitur. Διὰ τοῦτο ἐσημειώσαμεν σοι, ὦ ζῆντὰ ἡ ἀγίας πίςτος, καὶ μέρος τοῦ μαθήματος ἡ ἐκκλησίας Ἀντιοχείων, ἐξ ἧς καὶ τὴν τῶν Χριςτιανῶν ἐπὶ πλησιν ἐν πρώτοις ἐχομεν, ὅτι οὐκ οἶδεν ἄλλου, καὶ ἄλλου Θεοῦ υἱοῦ, ἀλλ' ἓνα ἢ πρὸ πάντων αἰώνων γενηθέντα, Θεοῦ ἐκ Θεοῦ ἀπὸ τοῦ Πατρὸς, ὁμοῦσιν τῷ Πατρὶ, καὶ ἢ αὐτοῦ ἐπὶ Ἀγγέλου Καίσαρος ἐκ Μαρίας ἢ παρθένης τεχθέντα. ἔχει γὰρ ῥητὴς, Θεοῦ ἀληθινοῦ ἐκ Θεοῦ ἀληθινῆς, ὁμοῦσιν τῷ Πατρὶ, δι' ἧς καὶ οἱ αἰῶνες κατηρτίσθησαν, καὶ τὰ πάντα ἐγένετο καὶ τὰ ἐξ ἧς τοῦ συμβόλου. Propterea designavi tibi, o zelota sanctæ fidei, & partem mathematicis (13) Ecclesiæ Antiochenæ, ex qua etiam Christianorum vocabulum in primis habuimus: quia non novit alium, & alium Filium Dei, sed unum, qui ante omnia sæcula natus est, Deum ex Deo Patre, consubstantiallem Patri, & eundem sub Augusto Cæsare ex Maria Virgine natum. Habet enim expressum, Deum verum ex Deo vero, consubstantiallem Patri, per quem & sæcula creata sunt, & omnia facta & reliqua symboli. Post hæc, etsi res, ut opinor, argumento, & approbatione non egeat, quo tamen bono*

(13) Mathematicis, idest symboli, doctrinæ &c. ut rectissime codex Colbertinus. Reliqua enim exemplaria, & editio Contii mendose prorsus, ac falso anathematis præ se gerunt. Qui anathematis scribunt, errorem suum ex consequentibus Contellationis verbis, καὶ αὖ ἐξ ἧς τὸ σὺμβόλου, & reliqua symboli, agnoscere debuissent. Nihil tamen in antiquis libris frequentius, magisque usitatum, quam ut hæc nomina mathematicis, & anathematis temere commutentur. Sed legantur, quæ super hoc argumento egregie scripsit vir doctus Henricus Valeſius Not. ad Lib. 1. cap. 8. hist. Eccles. Socri.

bono in lumine collocetur, sic disputo. Contestationis Auctori duo demonstrare propositum est, 1. Nestorii doctrinam cum doctrina Pauli, quem ante annos 160 ab Antiochenis Patribus exauctoratum affirmat, plane congruere. 2. atque hinc Nestorium a recta fide, vel Religione aberrasse. Prius, collatis utriusque sententiis, ante oculos ponit; posterius autem hoc ut efficiat Antiochenum symbolum citat, in quo adversus Paulum & diserte traditur, Dei Filium unicum esse, non duplicem, & nomen homousion adhibetur. Antiocheni igitur Senatus Patres, cum Paulum e Pontificia dignitate exturbarunt, symbolum edidit, cui vox homousion adjecta est. Quod vero symbolum anno demum 270 conditum fuerit non solum hinc, *attentionem* si afferas, & ex ipsa Contestationis serie deprehendes, sed clarius etiam hoc argumento perspicies. Ut enim libelli Auctor ostendat, *rectam fidem predicare*, esse unum Dei Filium, symbolum e vestigio Antiochenum producit, ubi & de unico Dei Filio agitur, & homousii vocabulum usurpatur; quo ergo tempore Paulus exauctoratus est, symbolum Antiocheni Antistites ediderunt; alioquin a vero abluderet, quod recta fides, Antiochenum nempe symbolum (ut ex proximis Contestationis verbis apparet), & doceret, Filium Dei esse unicum, & homousio uteretur. Responderi enim facile poterat, vocem homousion damnatam fuisse, perpetuoque oblitteratam silentio.

XXXI. Hæc igitur non solum demonstrant, symbolum, sive formulam, de qua superius diserebam, non Nicænis Patribus, sed Antiochenis adscribi oportere, verum etiam omnem iis aditum intercludunt, qui formulam ad priora Antiochena Comititia referendam esse statuerent. Etsi enim hi argumenti vim non effugerent, nec diluerent (argumentum enim in adversarios alia ratione, & via concluderem), tota tamen res animadvertatur, pervelim, quo de Stephani le Moyne Theologi Leydenensis sententia probe feratur iudicium. Moynius enim eam syngrapham Antiochenis Pontificibus nobiscum adjudicat; homousion tamen notatum, ejusque usum interdictum pronunciat: in quo quemadmodum sibi constet, satis exputare non possum; nisi fortasse schedulam a prioris Concilii Patribus profectam existimet. Idcirco argumentum

dedita opera occupavi. Ad hæc cum Pauli Samosatani errores (homo quippe erat versutus, veterator, mireque ad fallendum compositus) in secundo demum Concilio optimus Sacerdos, peracutusque Dialecticus Malchion detexerit, in lucemque veritatis protulerit, tunc etiam credibile est, formulam exaratam fuisse, in qua Paulinæ impietatis capita confutarentur (14); quemadmodum, concedente quoque Vallesio, ejusdem, non prioris Concilii Patres ad Paulum miserunt epistolam, in qua suam ipsi de Christi natura, ac numine mentem aperiunt, & a nebulone, secum ne concordet, ac sentiat, percunctantur.

XXXII. Duobus Albertus Fabricius, Samuel Basnagius, aliique conantur efficere, formulam, sive schedulam Pauli notatam nomine ab Antiochenis Patribus editam non fuisse. Qui tamen si superiora nostra argumenta providere animo potuissent, fortasse de duabus illis rationibus ne cogitassent quidem. Primum ajunt, neque Athanasium, neque Hilarium, neque Basilium de homousii vocabulo differentes formulæ ejusmodi mentionem fecisse; deinde Antiochenos Proceres ab eodem usurpando nomine ob captiosas cavillatoris Pauli argutias abstinendum prudenter duxisse; utrumque optimo certe indicio, controversam hanc syngrapham Nicææ tandem, non Antiochiæ in lucem manasse. Verum hoc me loco tenere nequeo, quin palam, candideque profitear, nihil unquam minus acute concludi potuisse. Nam prior illa ratiuncula tota contra est. Prodiit syngrapha, inquis, vel symbolum in Nicænis Comitibus. Concedatur tantisper, donec ad silentii causas investigandas, atque aperiendas progredior. Quonam igitur fato fieri potuisse dixeris, ut triumphari illi, quorum Athanasius Comitibus interfuerat, nunquam in nostræ formulæ mentionem inciderint? Nunquam incidit Eusebius, nunquam Theodoretus, nunquam Socrates, nun-

(14) Formulam, de qua loquimur, posterioris Concilii Patribus mecum acceptam sine controversia referunt Baronius, & Labbeus. Quid Pelletanus, quid Binius, quid reliqui senserint, exploratum non habeo. Nihilominus facile mihi persuaserim, in eandem illos, quam ego tueor, convenire sententiam, ne duorum Conciliorum Antistes pugnare inter se cum dedecore videantur; ut allatam a me in hoc §. 31. rationem omittam, quæ facile viris clarissimis poterat in mentem incidere.

nunquam Epiphanius, nunquam Ephesini coetus Antistites? Atqui horum singuli Nicænam, si nescis, in Arium formulam protulerunt. Ac certe in hac, quam tueris, sententia longe facilius, quam in mea tam præclari monumenti conservari apud Auctores, qui Nicæna tempora consecuti sunt, notitia debuisset. Denique simillimum vero videtur, quod inter alia Nicænorum Pontificum scripta, idest una cum canonibus, Synodicis litteris, & formula adversus Arium constituta scheda hæc transmissa fuisset ad posteros. Unde igitur, quantum me amas, summum tot doctissimorum Scriptorum silentium? Præterea cur antiquus sane Auctor Dalmatius, Gelasius Cyzicenus, alii, qui Nicænorum Comitiorum historiam de industria scripto mandarunt, de syngrapha tamen adversus Pauli impietatem composita nihil commemorant? Facilius enim ex manu Herculis clavam, quam ex his Auctoribus de controversa illa formula verbum exprefferis (§. 23.) At leges historiæ, rei que celebritas omnino postulabant, ne ejus schedulæ notitiam nobis eriperent, si quidem a Nicænis Patribus fuisse editam cognovissent. Pudere igitur adversarios debuit ad Athanasii, Hilarii, Basilique silentium meam labefactaturos sententiam, optimis alioquin stabilitam prædiis, tanquam ad arcem confugere.

XXXIII. Ergo si tam præclari triumviri de formula, quam Antiochiæ exiisse pluribus docui verba non fecere, transferenda in Arianos, vel certe in Eusebium culpa est, qui ut ne Arianis, amorculis suis, noceret, schedulam consulto subduxit, compressit, occultavit, ut scitissime argumentatur dignitate, ac sapientia vere Eminentissimus Cardinalis Baronius. Neque hæc mirabilia videri debent, quando ex superioribus firmum, ut arbitror, ratumque est, schedæ Auctores Antiochenos esse Pontifices. Nimis aperte illa formula loquebatur, Arianamque perfidiam jugulabat, quam ut id facere impune posset, atque Eusebii erga se furorem, violentasque manus effugere. Num fraudium Eusebianarum exempla quæris? Vide, quæso, ne tu noctuas Athenis. Sed ne longius provehatur oratio, crimine ab uno, vel altero disce omnes. Narrat in historia Eusebius, Dionysium Alexandrinum a Pentapolitis de crimine nescio quo apud Roma-

manum Pontificem postulatum fuisse, quatuor se vero Libris diligenter purgasse. Ne Eusebio tamen fortassis nimis in scribendo loquacitatis actionem intenderes, quasi brevitatis veluti lineas transivisset, manum ecce subducit de tabula, finemque facit. Serio; quia tota controversia, origo scilicet, progressio, exitus evidenter demonstrabat, Arianam disciplinam longo ante tempore impietatis convictam, ac damnatam fuisse, summis rem labiis attingit, in quo autem controversiæ positus cardo esset, dissimulat. Quid vero suspectum magis, & a sincera, non dicam Episcopi, sed Christiani hominis fide magis alienum, ac dissitum, quam modus, quo Nicænorum Comitiorum historiam cap. 5. lib. 3. de Vita Constantini litterarum monumentis idem Eusebius consignavit? Nam cum duobus præsertim nominibus convocata Comititia sint, primum ad divini Filii consubstantialitatem cum Patre adversus nefarios Arii conatus in tuto collocandam; tum ad variarum Provinciarum dissidia super die celebrandi Paschatis componenda, Eusebius de priori controversia ne verbum quidem, nec sullabam, etsi hinc ampla se illi laudandi Constantini Magni offerret occasio; de controversia tantum, quæ Paschatis celebrationem spectabat, diligenter narrat. Hæc igitur Eusebii fides, hoc ingenium. Eat nunc Samuel Basnagius, & levissima conjectura permotus Cæsarem Baronium Plautino sale perfricet, quasi dure, atque inhumaniter fecerit, qui formulam, five symbolum ab Eusebio fraudulenter subductum esse affirmavit (15).

XXXIV. Ipse potius Basnagius, cujus est alterum, quod proxime sequitur, argumentum, Plautinis omnibus salibus perfricandus videretur, nisi ego moderate cum omnibus agendum ratus ab omni illiberali, & scurrili dicendi genere merito abhorrerem. Basnagius enim superiori argumento illo suo petit manifeste principium, sumitque pro certo, quod

(15) Samuelis Basnagii (Annal. Eccles. Polit. ad ann. 269.) conjectura copiose jam a nobis, ac perspicue refutata ei nititur fundamento, quod formula Pauli nomen præferens secundum græcam inscriptionem Nicænis, non Antiochenis Patribus tribuenda videatur. Sed ignoscendum ex ea fortasse parte Basnagio, quod aliis occupationibus distentus intimos quæstionis hujus recessus non adiit, neque rem ad vivum rescavit, id, quod illi cum Alberto Fabricio commune est.

quod dubium, controversumque est, immo falsum, ut ha-
 ctenus docui, vocem scilicet homousion invisam Antiochenis
 fuisse Patribus, & odiosam. Itaque imprudens (fortasse enim
 ne suspicatus quidem est, fore aliquos, qui a veteri de An-
 tiocheno decreto abituri essent sententia), imprudens igitur
 eadem se fallacia irretivit, qua olim in philosophica quaestione
 magnus alioquin vir Aristoteles, qui ostensurus, Tellurem no-
 stram, in medio Mundi constitutam esse, aiebat, gravia,
 quaecumque corpora suoapte nutu, ac pondere ferri ad cen-
 trum Mundi, simulque ad centrum Terræ, quare hanc in
 media Mundi parte, seu centro consistere. Ubi Aristoteles
 id arripit pro concesso, & probato, quod plane in quaestione
 versatur. Basnagii ergo argumentum verbis Cottæ Q. Lu-
 cilium Balbum apud Tullium alloquentis brevissime dirimam.
*Videre oportet, Balbe, quid tibi concedatur, non te ipsum,
 quod velis, sumere (a).*

XXXV. Atque hactenus, ut demonstrarem, Antioche-
 nos Patres verbum homousion ascivisse potius, quam repro-
 basse, tum aliis argumentis, tum nominatim celeberrimæ
 Contestationis verbis multus probavi, formulam, quæ præ
 se Pauli Samosatani nomen gerit, & in qua homousion per-
 honorifice usurpatur, eisdem Patribus esse adscribendam.
 Nunc autem, ne quis fortasse adversariis effugiendi hinc
 aditus pateat, ipsa per se Contestatio expendenda est. Et si
 enim aliquis, ut varia hominum esse solent ingenia, infi-
 ciaretur, in Contestatione Eusebii superiorem illam ad Pau-
 lum formulam, sive schedam citari, firmum tamen ego inde
 argumentum arripiam, quo clarissime ob oculos ponam,
 in Antiochena Synodo homousion damnatum nullo pacto fuisse,
 neque ejus usum ademptum. Sed ipsa antea libelli ver-
 ba, ut hic rursus exscribam, æquo ferat animo amicus Lector.
*Nestorius, ait Eusebius, ecce consentit hæretico Paulo dicenti,
 alium esse Verbum, & alium Jesum Christum, & non esse
 unum, sicuti recta prædicat fides. Propterea designavi tibi,
 o Zelota sanctæ Fidei, & partem mathematicis Ecclesiæ An-
 tiochenæ, ex qua etiam Christianorum vocabulum in primis
 habuimus; quia non novit alium, & alium Filium Dei, sed
 unum,*

(a) Lib. 3. de Nat. Deor. cap. 9.

unum, Deum ex Deo Patre, consubstantialem Patri. Habet enim expressim, Deum verum ex Deo vero, consubstantialem Patri, & reliqua symboli. His descriptis, illud saltem concedas necesse est, in Antiochena Ecclesia etiam post Pauli amotionem e gradu sacram disciplinæ nostræ formulam extitisse, cujus exemplaria, non ipsa solum, cubitalibus litteris verbum homousion præ se ferrent, atque id ratum, firmumque Constantinopolitanam Ecclesiam habuisse. Hujus enim formulæ auctoritatem, & fidem in sua illa publice proposita Contestatione implorat Eusebius. Quod si in sacra Antiochenæ Ecclesiæ formula publicis usibus destinata, si in ejus exemplaribus dictio homousion legebatur, quomodo hanc Antiocheni Antistites suis suffragiis condemnarunt? Dic, quæso, fortasse ne Eusebius Antiochenæ formulæ nomine Nicænam intelligit? At, ut mittam alia, quæ Lectori Eusebii consilium, totamque Contestationis seriem expendenti facile animo occurrent, vel duo illa verba, *Antiochenæ Ecclesiæ* (extant enim græce, & latine in omnibus libris, manique scriptis codicibus), nullum suspicioni ejusmodi locum relinquunt (16).

Quid

(16) Vaticana, aliæque passim, ut monuit summus Vir Christianus Lupus, Conciliorum Generalium editiones Eusebianam, de qua agimus, schedulam sic inscribunt. *Contestatio publice proposita a Clericis Constantinopolitanis, & in conspectu Ecclesiæ publicata, quod Nestorius ejusdem sit sententiæ cum Paulo Samosateno ante 160 annos ab orthodoxis Episcopis anathemate condemnato; & quamvis verbis aliquibus differant, rerum tamen, atque sententiarum summa est, ac mira consensus. Eadem inscribendæ schedulæ ratio recentioribus permultis Criticis, atque Theologis, quorum adnumerare nomina molestum, ac longum esset, probatur. Quæ causâ fuit, cur superius §. 30. Contestationem ejusmodi Constantinopolitanæ Ecclesiæ nomine ab Eusebio editam scripserim; hic vero ei affines, vel consentaneas dicendi formulas, cum de Contestationis vi, & auctoritate loquor, adhibeam.*

Non crediderim fore aliquos, qui ut argumentum nostrum evertant, Contestationem hanc genuinam, sinceramque esse repugnent. Facile enim opinionis ejus levitatem refellerem. Siquidem Contestatio totidem plane verbis, quibus illam libri omnes in publicam lucem editi exhibent, legitur in perantiquo, probatissimoque Codice Cassinensi, quo usus est Christianus Lupus in Opere inscripto, *Ad Ephesinum Concilium variorum Patrum epistole &c.* (Vid. Tom. 7. edition. Ven. anni 1726. Schol. cap. 5. pag. m. 25.) Qui Codex cum ex Acemëtarum prope Constantinopolim Cænobio absportatus fue-

Quid ergo? Nuni Antiochieni Proceres etsi damnaverint, vocem tamen de publicis tabulis non sustulerunt? Sunt hæc inter se æque contraria, & repugnantia, ac circulus, ut Geometræ loqui solent, quadratus. Præterea quomodo

G

recta

rit, in magna est auctoritate. Nosti enim Accemetarum ingenium. Accedunt locupletissima veterum testimonia, qui de Eusebio singulari cum laude sermonem instituunt. Nam Leontius Byzantinus, qui, docente apud Bellarminum Labbeo (De Script. Ecclesi. pag. 204.), extremis Iustini junioris, Tiberiique temporibus fortasse floruit, ac tres Libros adversus Eutychianos, & Nestorianos composuit lib. 3. cap. 95. hæc scribit. *Proposita est utriusque refutatio, Pauli scilicet Samosatensis, & Nestorii ex testimonio publice proposito, ut ajunt, ab Eusebio, qui tunc florebat in judicandi potestate, postea autem præfectus fuit Ecclesiæ Doryleensium in Phrygia, qui divino zelo, ut testantur, incensus hæresim Nestorii, & Eutychis deprehendit, & convicit. Infinitis periculis pro pietate objectus. Audi igitur cum quibus, & cujusmodi blasphemias ex Paulo Samosateno collectis Nestorii blasphemias conjunxit, & unam utriusque mentem amentissimam esse demonstravit. Post quæ Leontius Eusebii Contestationem, describit. Qua vero occasione, quibusque causis tantus pro Religione in Eusebio ardor extiterit, habes ex Mario Mercatore in Schol. ad 3. Nestorii sermonem, ubi cum Nestorius, ait, in media Ecclesia profanis uteretur vocum novitatibus, quibus & Eutrochior, & geminam Christi nativitatem infestabatur, Vir quidam sane probus, qui adhuc inter Laicos erat, sed tamen admirabilem sibi collegerat eruditionem ferventi, & religioso zelo permotus, & contentiori voce inclamans inquit, ipsum ante sæcula Verbum etiam secundam subisse generationem, idest illam secundum carnem, & ex muliere. Marii verba, qui adhuc inter Laicos erat, confirmant, quod ait Leontius, Eusebium postea in Sacerdotum ordinem nomen dedisse; tota vero, quam affert, Contestationis series a communi reliquorum librorum scriptura non discrepat. Ejusdem in patriam Religionem studium summis extulit laudibus Flavianus Constantinopolitanus Episcopus Eutychetis legatos in prima abs te habita Synodo ita allocutus. Cognoscitis zelum accusatoris; quoniam & ipse ignis frigidus illi videtur propter pietatis zelum. Cum Flavianoque Eutychianistarum Breviculus a Sirmondo post appendicem Theodosiani Codicis editus concinit in hæc verba. Cum Eutychem Eusebius Dorylitanus Episcopus suadere alia reperisset, zelo fidei, quem etiam cum Agens in rebus esset ostendit (ipse enim Nestorium quoque in tempore reprehendit in Ecclesia res sacrilegas prædicantem), detulit ad Flavianum Episcopum. Et infra: Eusebius ante, dum adhuc esset Laicus, Nestorii fuerat accusator. Ergo Eusebius magna voce, bonisque lateribus concionanti Nestorio fortiter restitit, eundemque erroris coram multitudine, Sacerdotumque ordine publice reprehendit, neque hoc contentus Contestationem, vel schedam hanc Regiæ civitati proposuit. Esse igitur genuinam, germanamque Eusebii descriptionem dubitari non potest.*

Cæterum Eusebii schedula in Cassinensi codice ita inscripta est. *Contestatio proposita in publico contra Clericos Constantinopolitanos, & in Ecclesia insinuatæ, quia scismaticus esset Nestorius Pauli Samosatensis anathematizati ante annos*

recta fides, nempe Antiochenæ Ecclesiæ formula doceret, Dei Filium esse Patri consubstantialem, hoc est, quomodo Antiochena formula consubstantialis vocabulum præ se recte ferret, si vocabulum, quod inibi legebatur, auctoritate publica

120 *ab Episcopis Orthodoxis*. Ab hujus codicis auctoritate non discedit Christianus Lupus (ibid.), eamque inscriptionem Philippus Labbeus (Tom. 4. Concil. pag. 17. 18.), & alii, mutato annorum numero, Contestationi præponunt. Facile tamen, etiam me tacente, perspicies, ex hac inscribendæ formulæ ratione aliquid potius ponderis, ac momenti argumentationi nostræ accedere, tantum abest, ut ejus vis, atque auctoritas infirmetur. Præterea etsi schedula adversus Constantinopolitanos Clericos scripta esse concedatur, non tamen contra omnes promulgata est. Nec ipse Lupus repugnat. Nam permulti Nestorianam perfidiam adeo infectati sunt, ut a Nestorio amoveri e gradu, exilioque multari maluerint, quam impias aberrantis a via hominis approbare sententias. In opinione ergo Lupi Contestatio in solos delirantis Episcopi sectatores, ac vindices prodiit, neque id sane sine hujus Ecclesiæ sæpitemna ignominia. Quid enim magis infamæ, ac dedecoris plenum, quam ipsum sacrorum Antistitem, Sacerdotumque ordinem tam longe a religione, sanctissimisque ejus decretis per contumaciam deflexisse, ut ab homine in primis Laico de officio debeant, totiusque doctrinæ summa admoneri?

Quod ad annos pertinet, qui in schedulæ inscriptione apponuntur, Cassinensis codex sine dubio est mendosus, & peccat. Antiochena enim Synodus, quæ Paulo impietatis convicto dignitatem ademit, absoluta, ut diximus, fuit anno 270; Nestorius autem, quem anno 431. Ephesini Patres damnarunt, tres circiter, vel quatuor annos errores suos in vulgus disseminavit, quin ullis unquam vel minis, vel precibus respire, redireque ad sanitatem voluerit, ut in Apologet. ad Imperatorem Theodosium statim post Ephesina Comitia scripto testificatur Cyrillus. Quare cum Contestationem Eusebius divulgavit, omnino 160 anni a lata in Paulum Samosatenum sententia effluxerant. Vulgaris igitur ejus schedulæ editio rectissime præfert 160, mendumque, vel error in codicem Cassinensem irrepsit. Nec solum mendosus est codex, verum etiam peccat, qui codicem emendavit. Librarius enim scripserat annos 68, verissimiliterque designare in animo habuit annos 80; nescio quis autem Lector merito suspicatus, esse rem alienam a vero apposuit 120; quo factum est, ut errorem errore correxerit. Adeo *cujusvis est hominis errare*, quamquam nullius, nisi insipientis, quod ait præclare Cicero (Philip. 12. cap. 2.), *perseverare in errore*. Vidit hæc eruditissimus, perdoctusque Theologus Lupus, sed nescio, summus ne Vir (ego enim tantum alioquin ei laudis do, quantum alteri cuiquam vel clarissimorum virorum post renatas litteras in rebus Theologicis dandum unquam censuerim sive operum magnitudinem, ac difficultatem, sive hominis diligentiam, fidem, eruditionem, judicium attendas), nescio igitur, summus ne vir ipse quoque errore aliquo teneatur. Etsi enim posteriorem Antiochenam Synodum anno 270 habitam doceat, Contestationem tamen Eusebii anno assignat 428 (loc. cit.); quod tamen fieri nullo pacto potest, cum ab anno 270 ad 428 anni tantum 159 intercedant, quamvis utrumque extremum enumeres. Quapropter id unum reli-

blica notatum est, rejectum, interdictum? Quomodo Eusebius, immo Constantinopolitana Ecclesia ad profligandos Nestorii errores formulam profert, quæ diserte habet *Deum, verum, consubstantialem Patri*, si consubstantiale in Antioche-

G 2

che-

reliquum est, ut Contestatio Eusebii ad annum 429, vel etiam 430 referatur. Tandem cum optimis aliunde liqueat argumentis, Antiochenam Synodum, in qua Paulus Pontificia privatus est dignitate, vere anno 270 habitam, vel absolutam fuisse, sequitur, postremo denique loco illos errare, qui Eusebianæ schedulæ inscriptione adducti eam Synodum in annum 268. conjiciunt.

Quoniam hic vero in Christiani Lupi mentionem incidimus, missa schedula, placet appendicis quasi loco subjicere, ex Lupi ipsius doctrina nostram de Antiocheno interdicto sententiam egregie firmari, nedum illustrari. Is Dissertat. posthuma *De vocibus substantia, essentia, persona &c.* cap. 5. docet, vel potius suspicatur, latam ab Antiochenis Episcopis in dictionem homousion legem pluribus, qui eodem vixere sæculo, Patribus improbatam fuisse. Cum enim, inquit, Pentapolitæ Dionysium suum, quod Dei Filium Patri consubstantialem non diceret, in iudicium apud Romanum Pontificem vocavissent, resque inter utrumque recenter gestas probe cognitatas, atque exploratas haberent, non potuere Antiochenam deinde homousii proscriptionem non moleste ferre, atque improbare. Ait secundo, Athanasium ex Romana Dionysii Pontificis Synodo recte ostendere, censuram illam veteribus Patribus minime placuisse. Tertio inter posterioris Antiocheni conventus Antistites fuisse plures Dionysio Alexandrino impenso addictos, & deditos, quippe qui illum ad priora Comitia acciverant; atque hinc proclivius ad condemnandum consubstantialis vocabulum curasse, ignaros fortasse & invidiæ, quam Dionysius propter Pentapolitarum querelas subierat, & palinodiæ jussu Romani Pontificis ab eodem non multo post recantatæ.

Tria hæc autem lucem, robur, ac vim argumentis nostris opportunissime adjiciunt. Ostendimus enim, Antiochenum decretum, quod in homousion editum traditur, cum celebri utriusque Dionysii facto mire pugnare (§. 6.), &, si quidem manasset in lucem, neque ignorari a nostris, neque prætermitti silentio, neque tandem sine turbis, tumultibus, atque discordiis excipi potuisse, cum præsertim de Romani Pontificis auctoritate ageretur (§. 11.). Utrumque ex superioribus Lupus veluti verum, ac certum agnoscit; sua ipse ergo doctrinæ productas a mer rationes confirmat, atque corroborat. Quod enim Pentapolitæ, aliique e veteribus Antiochenorum Patrum edictum reipsa improbaverint, id vir clarissimus suspicatur quidem ob semel a se susceptam, constitutamque sententiam de proscripto homousio; nunquam tamen ostendere poterit, tantum abest, ut ostenderit. Ab Athanasio nihil sperare potest præsidii. Sive enim Librum de Dionysii sententia, sive Epistolam de Synodi Nicænæ decretis, sive denique Librum de Synodis Arimini, & Seleuciæ perlegas, nusquam invenies, dictum excidisse Athanasio, quod veteribus Patribus Antiochena homousii proscriptio, damnatioque displicuit. Ego certe nihil tale olfacere potui, etsi magnopere eam in rem incubuerim. Similitudinem porro, speciemque veri non habet, Antiochenos Antistites de gravissima controversia, quæ in luce, ac celebritate totius

chenis Comitii adversus Paulum habitis repudiatum est, ac proscriptum? Componant hæc Semiariani, si quidem possunt, & postea tanquam ex tripode nobis alta voce denuncient, Antiochenos Patres in homousion dixisse sententiam, usumque nominis de medio abstulisse. *Gerræ germanæ, atque adeo liræ liræ sunt (a)*, quidquid illi in Ancyrano conventiculæ ea super re tradiderunt. Tandem, ut hoc addam, nemo prudens facile suspicabitur, Patres in Antiochenis Comitii congregatos & sapientia, & sanctimoniam laude ornatissimos de ea proscribenda voce cogitasse, quæ, antequam Paulus redigeretur in ordinem, in veneranda Antiochenæ Ecclesiæ formula, atque hac in usus constituta, publicos, legebatur. *Quis enim* in illis prudentiam, quis majorem erga veteres pietatem, vel observantiam, quis denique tranquillitatis, pacisque publicæ studium merito non desiderasset? Credant igitur Semiarianis qui volunt; ego, ut in illorum auctoritate acquiescam, ab animo meo, auctor, impetrare non potero.

XXXVI. Non sunt hic autem prætereundi silentio Patres, qui inter Antiochenæ, & Nicænæ Synodi temporum litterarum gloria, editisque operibus floruerunt, ne quæ Dissertationi nostræ deesse ad stabilitatem præsidia videantur. Nam si Antiochenorum Patrum Concilium nomen homousion lege publica condemnasset, a communique Ecclesiæ usu, & consuetudine ad retundendam Pauli perfidiam abstraxisset, ei sane interdicto Majores nostri, & qui præsertim habiti sancti sunt, morem, ut solet, obedienter gessissent. Nunc autem totum contra est. Etenim Pamphilus, nobilissimus Christi Miles, qui anno circiter 308, (b) cum

Gale-

tius Ecclesiæ inter utrumque Dionysium instituta est, nihil audivisse, ut docui s. 6. Quod si plures, teste nobilissimo Lupo, cognoverant, quod antea Dionysius Alexandrinus a voce homousion abhorrebat, vel ea saltem non utebatur, quomodo omnes factum longe celebratissimum ignorarunt, nescieruntque, Dionysium paulo post palinodiam cecinisse? Hæc cum ita se habeant, relinquitur, nostra, quæ dixi, argumenta optimis fulta esse principiis, magnamque eisdem ex Lupi ipsius doctrina, quod mihi plurimum gratulor, stabilitatem, ac lucem accedere. Sed plusquam satis de Contestatione Eusebii, dataque occasione de Lupo, cujus sapientiæ, & gloriæ detractum idcirco me nolle Romana rursus fide profiteor.

(a) Plaut. Pœn. Act. 1. 1. 9.

(b) Ex Nat. Alex. in Syn. Hist. Eccles. 4. scz.

Galerius Maximianus, & Maximinus omni suppliciorum genere in nostros favirent, pro Religione fortiter mortem oppetiit, vocem homousion in Apologia, quam pro Origene adornavit, suis, Origenisque verbis (nam & suo nomine loquitur, & quidquid Origenes præclare de Dei Filio dixerat, id colligendo, ejusque obrectatoribus objiciendo suum facit), Pamphilus, inquam, homousion suis, Origenisque verbis fidenter adhibuit; immo caput illud, ubi eandem, quam Patri, naturam Filio vindicat, & dignitatem, ex industria sic inscribit: *Quod quosius est cum Patre Filius, idest unius substantiæ* (Not. 3.). Fingi autem ad argumenti vim elevandam non potest, interdictum, etsi reapse prodierit, Pamphilo tamen ignotum, vel inauditum fuisse. Nam &, nemine dissentiente, magna sapientiæ, doctrinæque gloria Pamphilus excellebat, egregie in primis in veterum scriptis, sacraque antiquitate eruditus, & Antiocheni Pontifices epistolam suam ad omnes Ecclesias perferri curaverant, & perpauci denique anni a lata lege, vel interdicto effluerant, cum Origenem Pamphilus in omnem partem, ornandum, defendendumque susceperat. Enimvero ab omni probabilitate longe abest, tantum Cæsariensis Ecclesiæ Sacerdotem voluntati Antiochenorum Antistitum repugnaturum fuisse, si quam hi adversus homousion legem rogassent, nec idem Filii divinitatem demonstraturus præcipuum optimæ causæ præsidium ex ea voce repetendum duxisset, quæ paulo ante cunctis fuerat Patrum suffragiis condemnata. Reliquum ergo est, ut Antiochenum decretum, ne Pamphilo injurii simus, tanquam commentitium existimemus. Notatione enim 3. paucis admonui, conjicere prudenter posse neminem, consubstantialis vocabulum Ruffini opera in Librum Pamphili irrepsisse. His autem & illud accedit, quod Ruffinum, ne in hoc opere latinis litteris illustrando a boni, candidique Interpretis fide audacter discederet, prohibere penitus debuit injectus ab adversariis Origenis metus, quibus ille stomachum se facturum videbat, quamvis non suum, sed Pamphili de Origene judicium in lucem proferret; atque id multo magis, si quid ipse operi addidisset, quod neque Origenis esset, nec Pamphili. Sic enim initio Præfationis, quam operi a se latine verso præposuit, Macarium Rufinus

finus alloquitur. *Cognoscendæ veritatis amore permotus, o vir desideriorum Macari, injungis mihi rem, quæ tibi agnitæ veritatis gratiam conferat; mihi tamen non dubito, quin offensam maximam comparet eorum, qui se lesos putant ab eo, qui de Origene non aliquid male senserit. Et quamvis non meam de eo sententiâ, sed sancti Martyris Pamphili sciscitatus sis..... tamen non dubito futuros, qui & in eo se lesos putent, si nos aliquid pro eo vel alieno sermone dicamus (a).* Porro suspicionem nimiam in scribendo licentiæ a Lectorum animis amovet tanta cautio, nec debet Ruffini nomen, nisi ineptire velimus, de pondere testimoniorum detrahare.

XXXVII. Quod ergo felix, fortunatumque sit, partim negantibus, partim agentibus argumentis, quæ ex rebus inter duos Dionysios gestis (§. 6.), ex litteris ad Paulum Samosatenum missis (§. 9.), ex diuturno nostrorum (§. 11.), Arianorumque silentio (§. 12. &c.), ex ipsa Semiarianorum testificatione, & epistola (§. 18.), ex doctrinæ formula Pauli distincta nomine (§. 26. &c.), ex celeberrima Eusebii Confectione, vel schedula (§. 35.), ex Pamphili denique opere (§. 36.), tanquam ex fontibus, magno numero petita sunt, pulcherrime, nisi fallor, effecimus, convocatos adversus Paulum Antiochiæ Pontifices sacram consubstantialis vocem nulla lege interdixisse, vel condemnasse, sed acceptam a Majoribus constantè, ut par erat, retinendam putasse, immo communibus suffragiis, atque sententiis religiosissime consecrasse. Ex his autem tria sua veluti sponte consecraria sunt. I. Nos non rerum novarum, nec aucupandæ gloriolæ causa, sed studio ductos veritatis, quæ incredibiles, ut rectissime Plato tradidit, sui amores, si videretur, in omnium mentibus excitaret, a superiorum sententia recessisse. Id, quod eo etiam dico, quia turpe semper, atque indecorum existimavi a veterum opinionibus sine causa dissidere. II. Artem Criticam, si prudenter, moderateque uti illa novæ, nullum Religioni, ejusque decretis creare posse periculum, immo interdum potius, quemadmodum tota hæc docet lucubratio, suffragari, ac prodesse. III. Nostram de Antiocheno decreto sententiam, sepositis etiam rationum mo-

men-

mentis, contrariæ, quæ diu, multumque apud doctos invaluit, omnino anteponi oportere. Quod cum breviter, collatis inter se rebus, atque opinionibus demonstravero, finem faciam aliquando. Longe enim, ut video, jam progressa oratio est.

XXXVIII. In ea ergo, quam hætenus tuiti sumus, sententia Patres ab omni invidia mirifice liberantur, Ecclesia in suis legibus, & sanctionibus perpetuo sibi constat, in tutoque, ut verbo dicam, sunt omnia. Primum enim Antiocheni Antistites suum Majoribus honorem deferunt, Romanoque & Pontifici, & Concilio, a quibus de adhibendo, usurpandoque homousio lata lex est, eam, quam debent, adhibent reverentiam; Nicæni vero, qui id generis verbum disciplinæ nostræ formulæ adscripserunt, nihil porro faciunt, quod imprudentiæ suspicionem vel minimam afferat. Deinde constat sibi semper, & cohæret in institutis suis Ecclesia. Veteres enim de divini Filii natura, ac numine explicantes homousion paullatim in Ecclesiam introducunt, summus Pontifex suo firmat, ac tuetur præsidio, Antiocheni Patres non exagitant, Nicæni publica lege, qua omnes teneantur, honorificentissime tractandum decernunt, postremo illud pie, ubique, maximisque cum gratulationibus pedetentim excipitur. Quid vero in adversariorum opinione, ac sententia? Antiocheni Concilii Patres gravi nulla necessitate constricti (ex §. 7. 8.) a Majorum auctoritate desciscunt, relinquunt, & abjiciunt obedientiam Romano non parentes Pontifici, cui divina lege subjecti sunt; Nicæni autem Antistites in varias tum aliorum, tum præsertim malevolorum reprehensiones incurrunt. Actionum vero, decretorumque æquabilitas nulla est, maxima discrepantia. Nam vox homousion a veteribus cum laude adhibetur, & ab utroque Dionysio, Romanoque Concilio tanquam incorruptæ doctrinæ indicium, & quasi nota statuitur; sed paullo post Antiocheni Episcopi eandem vocem lege publica interdiciunt. Pamphilus tamen ei decreto resistit obedienter imperata non faciens, decretique, Auctores in ferenda sententia parum honeste inter se dissident, atque discordant (ex §. 9.), cum ecce proscriptum nomen rursus Nicænorum Patrum sententiis absolvitur, & quasi postliminio revocatur. Ex quo certe fit, ut Ecclesiæ leges,

leges, atque instituta satis belle inter se non convenient. Cum igitur in nostra sententia nunquam Patres ab officio discedant, vacent ab omni temeritate, & imprudentia, verum, Romanique Pontificis retineatur auctoritas, & quædam postremo in tota Ecclesia singularum actionum, & legum constantia continenter eluceat, facile perspicis, dignam esse sententiam, quæ ipsa per se, sepositis etiam argumentorum ponderibus, contrariæ præferatur. Non negaverim, eos, quos a me dissensuros cogitatione provideo, navaturos fortiter operam, ut a Patribus omnem criminis, atque inconstantiae suspicionem propulsent, quemadmodum ex parte ab Athanasio factum accepimus, cum Semiarianorum argumentis occurreret (a); verum, negare nec ipsi poterunt, si candide loqui voluerint, magna ad id eloquentia, exquisitisque opus esse argumentis. Ego os Nicænæ formulæ hostibus, cæterisque malevolis hominibus ita obstruo, ut ne mustitare quidem possint; ipsi nitentur vim vi repellere, non ita tamen, ut inimicis communibus viam intercludant, ac nulla eisdem redintegrandi belli opportunitas relinquatur. Sed nolo plura; vereor enim, ne longiori collatione sententiarum perspicuitas elevetur. Tibi integrum per me erit, ac liberum, quod mavis, statuere. Nam nisi in nostra, ac Marani sententia conquiesces, saltem opellam hanc, si minus propter doctrinam, at certe propter egregiam, optimamque in me de aliis bene merendi voluntatem, te non improbatum confido.

(a) Lib. de Syn. num. 45.

F I N I S.



HAG 2020520